





Early European Books, Copyright © 2009 ProQuest LLC.

Images reproduced by courtesy of the Royal Library, Copenhagen.

LN 1582 8° copy 1







Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
LN 1582 8° copy 1





Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
LN 1582 8° copy 1



Early European Books, Copyright © 2009 ProQuest LLC.

Images reproduced by courtesy of the Royal Library, Copenhagen.

LN 1582 8° copy 1

35, - 167.

LN 1582

ex. 1

M







De  
CIP  
CHR  
geD  
ob  
C

Scip

ADIE

ORATIO  
De illustriss. prin-  
cipe AC DOMINO, D.  
CHRISTIANO TERTIO, RE-  
ge Daniæ, & Noruegiæ, &c. Qui  
obiit Calendis Ianuarij, Anno  
Christi 1559, ætatis uerò  
quingagesimo  
sexto.

Scripta à IOHANNES THOM-  
MA Ripensi.

ADIECTVM EST ET EPICE-  
dion, scriptum à Petro Hege-  
lio Ripensi.

1560





LECTORI.

Disce mori uiuens, moriens ut uiuere possis :

Hæc ars præ cunctis artibus una ualet.

Qui moriens soli potuit confidere Christo:

Hic etiam media uiuere morte potest.



SE

LV

Dom

nia, N

rum reg

Scorn

in



statu, qu

tur. Id

serenissim

iestatis tu


rio, felici

existimo

Is eni

nomine

SERENISS. AC IL-  
LUSTRISS. PRINCIPI ET  
Domino, D. FRIDERICO II, Da-  
nia, Noruegia, Sclauorum & Gotho-  
rum regi: Duci Slesuicensi, Holsatiae,  
Stormariae, & Ditmarsiae: Comiti  
in Oldeburg, & Delmenhorst,  
Domino suo clemen-  
tissimo.

MBROSIVS in orati-  
one funebri, de Theodo-  
sio scripsit: Dilexi uirum,  
qui cum corpore soluere-  
tur, magis de ecclesiarum  
statu, quam de suis periculis angeba-  
tur. Id rectissime à nobis, inclyte &  
serenissime Rex, de patre Regiae Ma-  
iestatis tuae, CHRISTIANO Ter-  
tio, felicitis memoriae, usurpari posse  
existimo.

Is enim cū non minus re ipsa, quam  
nomine, Christianus esset, Christūq;  
a 2 & do.



4

& doctrinam eius amore summo cō-  
plecteretur, toto regni tempore, ma-  
ximè uerò ultimo uitæ mense, ea agi-  
tabat consilia, quæ nō modò politijs,  
sed & ecclesijs, salutis & honoris esse  
possent: nunc de certis Superintens-  
dum redditibus, nunc de Scholis a-  
periendis, nunc de Nosocomijs plu-  
ribus decreta noua edidit: unice solli-  
citus, ut ante migrationem suam in Ec-  
clesiam & patriam cœlestem, posteris  
ecclesias & scholas quam optimè in  
his regnis constitutas relinqueret.

Cumq; mortis uicinus ipse, eos qui  
prioribus annis ex hac uita euocati fu-  
erant, in memoriam reuocaret, & de  
Academia Hassniensi subinde cogi-  
taret, obitū clarissimi theologi Doct.  
Iohannis Machabæi tulit ægerrimè:  
quòd sciret eum sacras literas seduli-  
tate summa, nec minori fructu tradi-  
disse, & habita cum nonnullis delibe-  
ratione, de successore facultati Theo-  
logiæ præficiendo, D. Victorinum  
Strigeliū, missis literis sua manu sub-  
scriptis,

scrip  
carit  
tiam  
eccle  
filijs &  
Sed  
rare, c  
ipsum  
bus ar  
ge, om  
præsta  
exemp  
sunt inu  
cipibus,  
uimus, n  
Et qu  
quit Na  
jerome  
us xal  
etiam, qu  
meretur  
generis  
ex præsta  
bus ortu  
sciat, au



8  
scriptis, per Erasmiū Heinſenium uo-  
cari fecit. Adeò Rex pijsſimus, e-  
tiam tum cum animam penè ageret,  
eccleſias & ſtudia diſcentium ſuis cō-  
ſilijs & decretis regere conabatur.

Sed deſino plura de eo commemo-  
rare, cum nemini non compertum ſit,  
ipſum ea pietate & probitate omni-  
bus antecelluiſſe, ut ab hoc uno Re-  
ge, omnium rerū egregiarū, uirtutum  
præſtantiſſimarum, & ueræ pietatis  
exempla ſumī poſſint: quæ tanta in eo  
ſunt inuenta, quanta in omnibus prin-  
cipibus, quos aut uidiſimus, aut audi-  
uiſimus, non fuerunt.

Et quemadmodum grauiffimè in-  
quit Nazianzenus,

γένους προάρχων κρείσσον, ἢ λυγρὸν γένος.

ὥς καλὸν εἶναι, ἢ καλῶν πεφυκέναι: ita

etiam, quamuis nō minimam laudem  
meretur Chriſtianus Tertius, propter  
generis & familiæ nobilitatem, quòd  
ex præſtantiſſimis Heroibus & Regi-  
bus ortus ſit ( nemo enim eſt qui ne-  
ſciat, auum, patrum, patruelem, &  
patrem



patrem eius, Reges Danorum inclý-  
 tos & potentissimos fuisse) maius ta-  
 men decus, & dignitas omni nobili-  
 tate præstantior ei accedit, ab excel-  
 lenti pietate, & uirtutibus eximijs,  
 quibus per omnem uitam fuit deditis-  
 simus, & omnium in se oculos cõuer-  
 tit, ut hãc pulcherrimarum uirtutum  
 coronam in eo summa cum admirati-  
 one contemplantur, eiçq; hunc ho-  
 norem læti congratularentur, quòd  
 maiores fortissimos tantis et tam præ-  
 claris animi dotibus non modò æqua-  
 ret, sed longè etiam superaret.

Non autem existimet Regia Ma-  
 iestas tua, me hoc auribus tuis dare:  
 sed potius consideret, nullius esse tan-  
 tum flumen ingenij, nullam scribendi  
 aut dicendi tantam uim, tantamq; co-  
 piam, quæ non dicam exornare, sed  
 enarrare res eius gestas possit: me ta-  
 men cupere, omnibus hac cõmemo-  
 ratione qualicunque ostendere, tan-  
 ta esse eius in ecclesias & scholas me-  
 rita, ut dignus sit qui non modò dili-  
 gatur

gat  
 nips  
 ius.  
 iplo  
 getu  
 ram  
 tari p  
 Q  
 impi  
 clari  
 Hem  
 obser  
 Bord  
 singul  
 de hoc  
 se: hec  
 consec  
 comm  
 metum  
 more u  
 die, in  
 recitare  
 Har  
 T. no  
 lui, qu



gatur, sed crebris multorum præconijs celebretur: ut gloria nominis eius, unâ cum fructu beneficiorum ab ipso profectorum, ad posteros propagetur, & corda multorum ad ueram gratitudinem Deo pro tam salutari principe exhibendam incitentur.

Quæ res, ut uerum fatear, me etiâ impulit, ut etiam si scirem summos ac clarissimos uiros, Doct. Nicolaum Hemmingium, præceptorem meum obseruandum, & Doctorem Iacobum Bordingum, pro sua summa copia ac singulari facultate dicendi, permulta de hoc Rege grauius ornatèq; dixisset: hæc tamen pro mea tenuitate de eo conscriberem, & discipulis fidei meæ commissis, idem anno superiori argumentum carminis proponerem, quod more ueteri, ipso Thomæ apostoli die, in corona doctorum hominum recitarent.

Hanc autem orationem sub R. M. T. nomine in publicum prodire uolui, quod certò acciperẽ similem alio-



rum operam R. T. M. antea pergratam fuisse: & considerē, R. T. M. paternarum uirtutum, & rerum præclarè ab ipso gestarum memoriam & cōmemorationem frequentem non improbare: cum manifestū sit, R. T. M. paternis insistere uestigijs, & facta eius magnifica, in pietate, gubernatione politica, & tota uita, sibi tanquā ante oculos imitanda proponere.

Scripsit etiam patri R. M. T. Epicedion, bonæ indolis adolescens Petrus Iohannes Hegelius, honesto loco in hac urbe, patre Consule natus: quod cum propter facilitatem & elegantiam, qua is æquales omnes superare uisus est, lectu non sit indignum, huic orationi commodè adiungi posse uidebatur.

Quare, quod restat, Regiam tuam Maiestatem humiliter oratā habeo, ut hunc meum conatum, bono animo institutum, in meliorem partē interpretari, & sereno uultu accipere dignetur.

Precor

P  
trem  
Reg  
diut  
& ut  
saluta  
nedic  
stium  
tum  
Chri  
Date  
12 die  
57, nat  
ST I A  
tentissi  
no axta  
corona

Precor etiam Deum, æternum pa-  
 trem Domini nostri I E S V Christi,  
 Regem regnantium, ut R. M. T. quam  
 diutissimè nobis seruet incolumem:  
 & ut gubernatio R. M. T. fœlix sit, &  
 salutaris: & regnum tuum diuina be-  
 nedictione florens, ab omnibus ho-  
 stium incursionibus tutum & inuiola-  
 tum permaneat, & porro etiam ueræ  
 Christi ecclesiæ hospitium præbeat.  
 Datæ Ripis: Anno Christi nati 1560,  
 12 die Augusti: quo die, ante annos  
 57, natus est R. T. M. pater CHRIS-  
 TIANVS III, Rex Danorum po-  
 tentissimus: & eodem die, postea an-  
 no ætatis suæ 34, Hassniæ solenni ritu  
 coronatus.

Sereniss. R. T. M.  
 deditiss.

Iohannes Thomas  
 Ripensis.

a s

Precor



*[Faint, mostly illegible text in a Gothic script, likely a Latin manuscript. The text is arranged in several lines across the page.]*

*[Faint text at the bottom of the page, possibly a signature or a date.]*

OL  
LV  
D



co ut  
obruta  
re. se ge  
ideo co  
fia: sed  
politiu  
di con  
spiritum  
iur ben  
Tales  
tis rem  
stantur  
Iosaph  
Theoc  
primu

ORATIO, DE IL-  
LUSTRISS. PRINCIPE AC  
DOMINO, D. CHRISTIANO

*Tertio, rege Dania, & Nor-  
uegia, &c.*

**E**X TAT apud Esaïam dulcis-  
sima Dei promissio: Erunt  
Reges nutricij tui, & regi-  
næ nutrices tuæ. qua Deus  
Ecclesiam suâ, in hoc mun-  
do ut afflictissimam, ita mille periculis  
obrutam, consolari uoluit: & simul doce-  
re, se genus humanû imperijs sociatum,  
ideo conseruare, ut ex eo colligatur Eccle-  
sia: seq; pios & salutares gubernatores  
politijs præficere, ut inter horribiles mun-  
di confusiones, Ecclesiæ ærumnosæ ho-  
spitium præbeant, & ut nos grati hoc e-  
ius beneficium agnoscamus.

Tales enim fuisse quamplurimos, ua-  
rijs temporibus diuinitus excitatos, te-  
stantur Historiæ ueteres: & in his Dauidē,  
Iosaphat, Ezechiâ, Iosiâ, Constantinum,  
Theodosiû, Carolû Magnum, & Othonē  
primum, præcipuè celebrat antiquitas.

Sed,



Sed, ut cæteros taceam, talé fuisse hoc nostro tempore, in his terris, sanctissimū principem, CHRISTIANVM Tertium, piæ memoriæ regem & nutritium, omnes tum exteros, tū incolas fateri necesse est.

Atque utinam maior à plerisque Deo exhibita esset gratitudo, pro beneficijs, quæ harum regionum ecclesijs, scholis & politijs per ipsum contigerunt: non certè tanto bono, tam subito priuati essemus: nec mortem eius, nobis immaturam, oratione lugubri deplorare cogeremur.

Nunc autem in hoc tristi & graui casu, cum Deus Regem optimum, in cœlestem ecclesiam auocauerit, eumq; nobis ingratiss eripuerit, multæ doloris causæ concurrunt: ut nemo sit, qui mortuo hoc patre patriæ, nutritore Ecclesiæ & scholarum, non meritò, mœrore, cura & sollicitudine afficiatur.

Luget Regina illustrissima, amisso marito unicè dilecto: lugent orbitatem suam generosi & illustres liberi, amisso patre: luget amplissimorū procerū Senatus, amisso publici cōsiliij duce præcipuo, cuius prudētia cū pietate coniuncta, omnia gerebantur sapientissimè. Conflictatur acer  
bissimo

bis  
prim  
ur be  
cōpe  
Eccle  
dice  
Se  
pro i  
rum  
eius  
bis R  
exul  
mur,  
ternis  
suauis  
riam  
Qu  
ut hui  
insti  
tia, qu  
stificat  
utilitat  
prouer  
Vtil  
præco  
tuma  
serue



bissimo mœrore uniuersa patria, amisso  
principe optimo:quem Marte togaq; sibi  
ut beneficium, ita *φιλότεργον* patrem esse  
cōperit. Lugent, idq; omnium maximè,  
Ecclesiæ & Scholæ, amisso nutricao, uin-  
dice & propugnatore fidelissimo.

Sed tamen gratiæ Deo agendæ sunt, qui  
pro immensa misericordia sua, hoc pio-  
rum Mecænate decedente, illustrissimū  
eius filium FRIDERICVM Secundum no-  
bis Regem constituit: & ita nos omnes  
exuscitauit, ut & ardentibus uotis prece-  
mur, eum spiritu sancto gubernari, ut pa-  
ternis insistat uestigijs: & eo conspecto,  
suauissimā ac utilissimam patris memo-  
riam perpetuò retineamus.

Quæ res mihi etiam animum addidit,  
ut hunc de CHRISTIANO Tertio sermonē  
instituerem, non ostentandi ingenij gra-  
tia, quod sentio quàm sit exiguum: sed re-  
stificandæ erga ipsum gratitudinis, &  
utilitatis ex sempiterna eius memoria  
prouenientis.

Vtile enim est, eum crebris multorum  
præconijs celebrari, ut memoriam uirtu-  
tum ac beneficiorum eius grata mente cō-  
seruemus, Deoq; gratitudinem præste-  
mus,



mus, pro tot & tantis beneficijs, Ecclesiæ & Reipub. per ipsum exhibitis, quot & quanta uix unquam quisquam tacitus à Deo auderet optare: & hoc illustri exemplo commonefacti, nos ipsos ad uirtutes eius, pro nostra uocatione imitandas, excitemus: ac potissimum piam moriendi artem, ab ipso seruata, sedulo addiscere ac imitari studeamus.

Primum itaque mihi uidetur de natalibus ac genere uitæ, deinde de moribus, tum de morte & exitu uitæ placidissimo esse dicendum.

Natus est CHRISTIANVS Tertius, Rex Daniæ & Noruegiæ, de quo dicturi sumus, Anno Christi 1503, duodecimo die Augusti: cum Serenissimus Rex Danorū, & C. IOHANNES, patruus eius, annos xx hisce regnis imperasset.

Patrem habuit illustrissimum principem, FRIDERICVM Ducem Holsatiæ, filium CHRISTIANI primi, regis Daniæ, ex ueteri & celeberrimo genere Comitum Oldenburgensium & Principum Saxoniæ oriundum: qui ad Regiam dignitatem euectus, hoc Daniæ regnū annis decem magna laude administrauit.

Mater

Mat  
fima fa  
fium, p  
filio Al  
licolisi  
rudine  
gestis, c  
Nec  
ex nep  
cum ser  
à paren  
steros p  
Pindaru  
ne in war  
si parent  
cellunt.  
Deinde  
minum d  
laus est &  
& heroic  
præferri  
& excelle  
mīs orna  
Sed ma  
bilitatis  
quòd ex  
nim dub



Mater ei fuit ANNA, nata in præstantis-  
sima familia Marchionum Brandeburgē-  
sium, patre Marchione Iohanne Electore,  
filio Alberti Marchionis & Electoris bel-  
licofilissimi: qui ab heroica animi magni-  
tudine: uirtutis excellētia, & reb. præclare  
gestis, dictus est Achilles Germanicus.

Nec certè minima laus est, Christianū  
ex nepte tanti heroïs prognatum esse,  
cum semina uirtutum & similes impetus  
à parentibus in liberos, à maioribus in po-  
steros propagari existimentur: ut inquit  
Pindarus in Pythijs, *φυσὶ τὸ γενναῖον ἐπιπρέ-  
πει ἐν πατέρων πασί, λῆμα*. hoc est: Genero-  
si parentum animi, naturà & in filijs ex-  
cellunt.

Deinde cum uerissimum sit, gradus ho-  
minum distinctos esse diuinitus: magna  
laus est & dignitas Nobilitatis, præstātes  
& heroicas familias cæteris hominibus  
præferri, aliquanti sper à Deo conseruari,  
& excellentibus donis ac uirtutibus exi-  
mijs ornari.

Sed maius adhuc decus & utilitas No-  
bilitatis in hoc Christiano inuenitur,  
quod ex pijs parentibus natus sit. Non e-  
nim dubium est, quin tanta & tam præ-  
clara

Mater



clara Dei beneficia, quibus affatim abundabat, eorum pietate & precibus acceperit: quemadmodum scriptum est, Generationi rectorum benedicetur. Quam Dei promissionem alicubi auditam, Theocritus hoc uersu comprehendit:

ἐνσεβέωμ παίδεας τὰ λώϊα, δνσεβέωμ δ' οὐ.

*Iustorum soboli bene fit, malè cedit iniquum.*

Natura autem in eo excellens, liberalem institutionē magno cum fructu experta est. Nam à primis annis: nō modò literas bonas, & uerā de Deo doctrinam, quantum illa ferebant tempora, didicit, sed etiam ad amorem Christianæ religionis, iusticiam, mansuetudinem, & id genus uirtutes cæteras Principe dignas, optimè est institutus.

Deinde ineunte adolescentia, iussu patris, ut mores hominum multorum nosceret, ac urbes, in Germaniam profectus est, ad auunculū suum IOACHIMVM primū, Electorē Brandenburgensem, rara eruditione & facundia præditū. apud quē cū aliquandiu uiueret, partim in literis, prudentia, militiæ disciplina, & moribus honestis, progressus fecit insignes: partim etiam heroicè de se indolis specimē edidit.

Nam

Na  
tunc  
Anno  
habita  
dam, E  
pccator  
Imperi  
cionan  
similio  
se se erig  
reclinat  
Aduerti  
terculi f  
inde per  
occasion  
nodo effe  
blice Cæ  
querela  
ret, dum  
non poss  
Cum a  
mentis ad  
quam in  
virtutis  
dustriæ  
NVS hoc  
præbuit



Nam cum annos natus octodecim, a-  
 uunculum secutus, comitia Vuormaciæ,  
 Anno Christi 1521. de doctrina Lutheri  
 habita adijisset: uidit ibi monachum quē-  
 dam, Epicuri de grege porcum, coram Im-  
 peratore CAROLO Quinto, & ordinibus  
 Imperij, tam ridicula gesticulatione con-  
 cionantem, ut histriani quàm Theologo  
 similior appareret: dum per uices nunc  
 sese erigeret, nunc quasi precandi gratia  
 reclinato corpore in genua procumberet.  
 Aduertit autem generosus Princeps, fra-  
 terculi funem, quo præcinctus erat, sub-  
 inde per rimam suggesti demitti. Quare  
 occasionem captans, clanculum iniecto  
 nodo effecit, ut monachus retentus, pu-  
 blicè Cæsaris opem inclamaret, & graui  
 querela Lutheranorum perfidiam excipe-  
 ret, dum incuruatus, sese (more priori)  
 non posset ante solutum nodum erigere.

Cum autem impetus animi, & ardor  
 mentis ad gloriam, in adolescentia tan-  
 quam in herbis significare soleant, quæ  
 uirtutis maturitas, & quantæ fruges in-  
 dustriæ sint futuræ: uidetur CHRISTIA-  
 NUS hoc facto, quasi læto omine, certum  
 præbuisse indicium, de secuta per eum in  
 b his regio-



his regionibus Euangelij propagatione,  
reiectis monachis, sacrificulis, atq; id ge-  
nus alijs hypocritis quamplurimis.

Simul etiam gratā Imperatori magna-  
nimitatem, & probitatem ingenuam, eo  
tempore ostendit. Cum enim omnes,  
præsertim Pontificij, re noua & insolito  
monachi clamore redderentur attoniti:  
Cæsar ipse admodum commotus, facti  
autorem sollicitè inquirei mandat. Eo co-  
gnito, CHRISTIANVS rem omnem Cæ-  
sareæ Maiestatī, ordine per auunculum  
exponi curat: ne quis suspicione cæca,  
ob suum factum, iniuste in discrimen  
ueniat.

Ac fertur clementissimus Imperator  
Carolus, laudata eius heroica indole, uul-  
tu placido subridens, eū à se dimisisse: &  
postea sæpius, cum mentio huius incide-  
ret, iucundam ea de re cōmemorationem  
instituisse. Sed his omīssis, ad grauiora  
festinemus.

Reuersus ab auunculi aula in Holsa-  
tiam, patri FRIDERICO autor extitit, ut  
abiectis nugis papisticis, & tenebrosīs  
hominum figmentis, puram Euangelij  
lucem ipse amplecteretur.

Deinde



Deinde iam annos natus uiginti, eidē  
tum Regi Danorum electo, fidelem in ex-  
pugnanda Haffnia operā præstitit: suæq;  
fortitudinis & rei militaris, in obsidione  
diutina; tam læta initia habuit, ut parenti  
suo non solum adiumento in periculis,  
sed etiam gratulationi in uictoria fuerit.

Cum autem à coronatione patris, in  
ducatum Slesuicensem reuersus esset, af-  
flictis & captiuatis hominum cōscientijs  
gratam Euangelij prædicationē latè spar-  
gi curauit, usus ad hoc potissimum ope-  
ra Doct. Eberhardi Vueydensehe, & præ-  
stantissimi uiri, optimè de ecclesijs harū  
regionum meriti, M. Iohannis Vandali  
Goslariensis: qui & postea in hac urbe Ri-  
penſi, primus post remotos ab officio pō-  
tificios, Superintendens constitutus, fir-  
ma ueræ religionis fundamenta iecit: &  
omnibus, quantum in principio renascē-  
tis Euangelij fieri poterat, per totam diœ-  
cesin rectè constitutis, colica passione de-  
bilitatus, in uera fide, & assidua filij Dei  
inuocatione, placidissimè ex hac mortali  
uita in cœlestem academiam discessit: An-  
no Domini 1541, undecimo die Augu-  
sti, sub horam quartam à meridie. Toto  
b 2 autem



autem morbi tempore, orationem Mofi, Domine refugium factus es nobis à generatione in generationē, &c. ſœpius in ſui conſolationem repetijt.

Sed redeo ad CHRISTIANVM, qui in externa gubernatione iuſtus, clemēs & munificus erat: obſequens omnibus, aduerſus nemini, adeò ut ab omnibus diligere-  
tur, nec ullis niſi perditis hominibus, aut ſcleratis Papiſtis inſenſus eſſet.

Et ut ſuæ ditioni ſubiectos nō ſola pietate, ſed & caſtitate, alijs q̃; uirtutibus anteiret, elegit ſibi coniugem, uitæ ſociam, piam & modeſtiſſimam principē, DOROTHEAM, ex clariffima inclytorum Saxoniæ principum familia ortam, filiam illuſtriſſimi principis MAGNI, Ducis Saxoniæ inferioris.

Nec infœcunda ea fuit, ſed Deo benedice-  
cente peperit ei quinque generoſos liberos: ANNAM, quæ nupſit AVGVSTO, Duci Saxoniæ Electōri, &c. FRIDERICVM Secundum, Regem ac dominū noſtrum clementiſſimū, ( qui natus eſt anno Chriſti 1534, Calendis Iulij: & hoc anno patri ſanctiſſimo ſœliciter ſucceſſit, annum agens quintum & uiceſimum: ) & præter hos,



ter hos, MAGNUM, IOHANNEM & DOROTHEAM.

Cæterum ut & reliquum uitæ cursum attingamus, sciendum est, Christianum à morte patris, ad hæc regna gubernanda uocatum, electum, coronatum.

Cum enim pater eius, foeliciissimæ memoriæ, FRIDERICVS primus, Anno Christi nati 1533, decimo die Aprilis, inuocato filio Dei, placida morte obiisset: secutum est interregnum, quod multis periculosis motibus has terras inuoluit.

Sinite hoc loco, Auditores, præterire me calamitatem nostram: quæ tanta fuit, ut ex ea non modò huius regni incolæ, sed & uicini, si qui fortè nobis amicitia coniuncti erant, ingentem dolorem, luctum, mœroremq; susceperint.

Mortuo enim FRIDERICO, Rege optimo, & legum ac pacis amantissimo, fuit hoc Regnum Daniæ, non minus quàm Alexandri mortui exercitus, Cyclopi effosso oculo simillimum.

Nam gloria paucorum, laudis tituliq; cupido, ut poetæ uerbis utar, patriam nostram obruit: uana regnâdi libido, nescio quorum Magnatum animos occupauit:

b 3 & ex-



& exteris huic terræ tanquam prædæ inhiantibus, spem fecit, regnum tot & tam diuersis Dominis subiectum, facile occupari posse.

**Anno**  
**1534.** Vnde Christophorus comes ab Oldenburg, unà cum Georgio Textore & Marco Meiero Lubecensibus, anno sequenti, nulla occasione data, armatus fines Holsatiæ depopulari cœpit, non missis fecialibus, nec bello denunciato: sed tamen celeritate & industria Christiani, tum Ducis Holsatiæ, repressus, in Selandiâ profugit, eamque certo defensore carentem facile occupauit: dum se Christiani Regis captiui causam agere simularet, & in hoc felici rerum successu Albertum Megapolensium Ducem bellorum socium haberet.

Hic in ipso illo malo, grauissimâque offensione, omnes Regni proceres Christiano Lubecam obsidenti, sceptrum Daniæ offerunt: quòd is, aliqua ex parte, ijs incommodis mederi posse uidebatur. Eam prouinciam, ut duram, difficilem, nec à periculis alienam, bonus princeps, aliquoties quidem modestè recusauit: sed tandem, inuocato Dei auxilio, suscepit:  
ne patriæ



ne patriæ & uicinis, quorum res erat in  
extremum deducta discrimen, suam ope-  
ram denegare uideretur. quo facto, mis-  
sos ad se Regni optimates, blanda oratio-  
ne in illo timore excepit, diffidentesq; ue-  
rebus suis confirmauit, & afflictos erexit,  
dubiosq; recreauit.

Tantis autem motibus intestinis re-  
gnum hoc turbatum erat, ut toto bien-  
nio uix in pristinam trāquillitatem, post  
confectum teterrimum periculosissimū-  
que bellum, restitui posset. Et, quemad-  
modum grauissimè dicitur,

*Εν δυσυχίαις λάμπει τὸ καλόν:*

ita etiam tristi & periculoso eo tempore,  
inter tantas aduersitates maximè illuxit  
eximia Regis electi uirtus, & infracta ani-  
mi fortitudo.

Atque ut omnes intelligant, me huic  
Christiano III tantum tribuere laudis,  
quantum sapienti uiro & fortissimo bel-  
latori debeatur: dico, eius aduentu Cle-  
mentem nautam, turbatorem Iutiæ bo-  
realis ( quam ueteres Cimbricam Cher-  
sonesum appellant ) uictum, capitis dam-  
natum, & rotis quatuor impositum: ean-  
demq; mercedem aliquanto post etiam

b

4

Meiero



Meiero Scaniam uexanti redditam : urbē  
 Alburgensium celebrem obsessam, oppu-  
 gnatam uehementissimè, & ui captam,  
 ciuesq; ad unum omnes ob rebellionem  
 è medio sublato: hanc autem Ripam, pa-  
 triam nostram, multis expositam pericu-  
 lis omni terrore belli rustici, tetri & peri-  
 culosi, uicinia, celeritate & clementia e-  
 ius liberatam. magnas præterea Christo-  
 phori Comitis & Lubecensium copias,  
 omnibus rebus ornatas atque instructas,

Anno 1535.  
 11 die Iunij. ad Asnium, Fioniae urbem, edita strage  
 ingenti esse deletas: interfectis inter cæ-  
 teros penè innumeros, duobus Comiti-  
 bus, uno ab Hoya, altero Teccelnburgensi  
 ex Vuestphalia: Iisdem diebus ab eodem  
 Rege designato, classem magnam atq; or-  
 natam, quæ ducibus Lubecensibus in Da-  
 niam peruenerat, omniaque igne & fer-  
 ro miscere cœperat, superatam esse atque  
 Anno 1536. depressam: Hassniam bello & fame quas-  
 satam, post obsidionem grauissimam, in  
 deditioem uenisse: cæterasque urbes Fi-  
 oniae, Selandiae, & Scaniae, uno aditu at-  
 que aduentu esse captas.

Multa prætereo cōsultò, quæ cum ad-  
 huc in recenti uersentur hominum me-  
 moria,

mon  
 hoc  
 gressa  
 quæ  
 dire u  
 dine si  
 reliqu  
 aut in  
 plus  
 expect  
 Ho  
 sticae,  
 animis  
 que di  
 tur aut  
 no, aut  
 fundicu  
 Nulli  
 Con  
 gratia  
 Regis fe  
 pium pr  
 uento c  
 cijs nō  
 etiam a  
 Babyl  
 Tan



moria, neminem latere possunt. Vnum hoc addam, quòd mox post Hassniam ingressam, CHRISTIANVS obstacula omnia, quæ cursum Euangelij renascentis impedire uidebatur, heroica animi magnitudine sustulit: uariasque Romanæ ecclesiæ reliquias aut subito sedibus deturbauit, aut in eum redegit ordinem, ut auxiliij plus quàm periculi ab illis Euangelio sit expectandum.

Hoc tantum malum impietatis Papiæ, tam turpe, tã uetus, & multorum animis inueteratum, tam latè diuisum atque dispersum, quis unquam arbitraretur aut ab omnibus principibus uno anno, aut omnibus annis ab uno principe, funditus eradicari potuisse? Sed quia,

*Nullius est foelix conatus & utilis unquam,*

*Consilium si non detq; iuuetq; Deus:*

gratiæ Deo agenda sunt, qui inuictam Regis fortitudinem in periculis, & uerè pium pro gloria Christi zelum, foelici euentu coronare dignatus est: ut eius auspicijs nō solum ab hostibus corporum, sed etiam à captiuitate animarū, plus quàm Babylonica, liberari possemus.

Tandem deuictis, fugatis & captis ho-  
b 5 stibus,



stibus, duces ipsi qui bellorum autores fuerant, unà cum ingenti multitudine, tanta humanitate dimissi sunt, ut difficile dictu sit, utrum magis uirtutē eius hostes pugnantes timuerint, an mansuetudinem uicti dilexerint.

Pace deniq; non sine laboribus & difficultatibus acquisita, CHRISTIANVS III unà cum regina Dorothea, Hassniæ coronam horum regnorum, sibi ritu solenni imponi curauit: Anno à nato Christo 1537, Dominica post festum Laurentij proxima, quæ eo anno in diem Augusti duodecesimum incidebat, huius Christiani natalem.

Et ab eo tempore, usque ad extremum uitæ halitum, his terris magna cum laude præfuit, annis ferè 22. quibus si biennium addideris, quod ab electione ad coronationem eius intercessit, apparet eum totos 24 annos regio munere perfunctū, quod anno ætatis suæ 32 incepit: & tanta dignitate administravit, ut omni uirtutum genere non modò proprijs subditis, sed & uniuerfis Europæ regibus antecelluerit.

Etsi autē tota eius uita, & gubernatio politica,

politi  
ornat  
deliga  
Theod  
bus co  
rimis, a  
ac præ  
xille h  
Nar  
ration  
doloru  
dium, t  
& per  
Dei co  
milia m  
conferri  
Vider  
cendun  
tain ho  
um esse  
tione ac  
ipsa re,  
declarau  
in hoc  
bi opti  
uniuer  
constat



politica, multis excellentibus uirtutibus ornata fuit: nos tamen eas potissimum deligamus, in quibus cum Ezechia, Iosia, Theodosio, atque id genus pijs principibus conuenit. Conuenit autem in plurimis, adeò ut expressam Christiani regis, ac præcipuè Ezechiae imaginem in eo eluxisse haud immeritò dixeris.

Nam siue pietatem spectes, siue instaurationem cultus Dei, siue euerfionem idolorum, siue tranquillitatis pacisq; studium, siue denique ardentem in morbis & periculis omnibus inuocationem uerì Dei consideres, inuenies in utroque similia multa, quæ pulcherrimè inuicem conferri possunt.

Videtur itaque mihi breuiter de his dicendum. Ac primū de pietate, quæ quantā in hoc nostro rege fuerit, nemini dubium esse potest. Is enim Regni gubernatione accepta, non tam nomine, quàm ipsa re, se & Christianum & Regem esse declarauit: unicè præ cæteris principibus in hoc sollicitus, ut doctrinam Christi sibi optimè cognitam propagaret, & per uniuersum hoc regnum Danicum piè & constanter diuulgari curaret: quare tan-

dem



dem effecit, ut terræ Boreales, remotissimis marium interuallis dissitæ, & tamen imperio eius subiectæ, Gotlandia, Noruegia, Farenfes insulæ, & Islandia, liberatæ à superstitiosis hominum traditionibus, sinceram Euangelij doctrinam acciperent. Atque ita inueteratam Papistarum idolomaniam, à patre suo, piæ & felicitis memoriæ, FRIDERICO primo oppugnari cœptam, tanta fœlicitate euertit, sustulit, extirpauit: ut ad propagationem ueræ doctrinæ, diuino quodam consilio natus esse uideatur.

Præterea habita deliberatione cum Senatu regni, & uiris doctrina & iudicij reſtitutione excellentibus, ordinationem Ecclesiasticam conscribi fecit: quam cum Luthero, & alijs scholæ Vuittebergensis Theologis nō displicere intellexisset, suo etiam & totius Senatus suffragio approbavit: maximè cum in ea contineantur omnia, quæ ad constitutionem Scholarum & Ecclesiarum, adeo q; ad obseruationem licitam piarum & utilium ceremoniarum pertinent.

Et tandem, ut ea quæ in ordinatione piè sancita erant, feliciorē haberent successum

cessur  
uang  
regno  
Super  
erudit  
celebre  
ecclesi  
ptam E  
sem pe  
perum  
nosoci  
Dei  
las tane  
tuit, in  
derentu  
diuturn  
Cum  
clesiæ  
ratis &  
genia, et  
unda, p  
cōsilio  
stitutam  
Vidit  
rus scho  
uidit su  
Iohann



cessum ad gloriam Dei, & uberiores Euangelij propagationem: septem in hoc regno Daniae, & quatuor in Noruegia, Superintendentes ecclesiarum esse uoluit, eruditione, pietate & morum innocentia celebres: qui curam pastorum idoneorum ecclesijs praeficiendorum haberent, & curam Euangelij disseminationem ad messem perducerent: habita simul uere pauperum ratione, quibus uitae necessaria in nosocomijs liberaliter exhiberentur.

Deinde ecclesijs bene constitutis, Scholas tanquam seminaria adiungendas statuit, in quibus literae & artes bonae traderentur: ut sine quibus ministerium Verbi diuturnum esse non posset.

Cum autem Scholae sint non solum Ecclesiae seminaria, sed quaedam ueluti pietatis & honestatis officinae, in quibus ingenia, etiam ad reliqua uitae genera subeunda, praeparari debent: sapientissimo consilio curam Scholarum ab hoc Rege institutam perspicimus.

Vidit enim, semper diuino consilio cœtus scholasticos ecclesijs adiunctos fuisse: uidit summos doctores, Esaiam, Elizeum, Iohannem Baptistam, Christum & Apostolos,



Hos, magna auditorum agmina habu-  
 isse. agnouit, instauratorem ueræ religi-  
 onis in ecclesia Vuittebergensi, & uici-  
 nis locis, Doct. Martinum Lutherum, fe-  
 licis memoriæ, socium laborum & peri-  
 culorum beneficio Dei habuisse clarissi-  
 mum uirum Philippum Melanthonem:  
 qui, ut omni disciplinarum et linguarum  
 Ecclesiæ utilium cognitione excultus e-  
 rat, ita summum in ea schola restauran-  
 da locum haberet. Vnde factum est, ut hic  
 Scholæ, ille Ecclesiæ potissimum infer-  
 uiret, ea dexteritate, ut & rudiores in do-  
 ctrina religionis, & artibus humaniori-  
 bus in uita necessarijs erudirentur, & to-  
 ta uicinia inde ecclesiarum gubernatores  
 peteret.

Volens igitur CHRISTIANVS in hoc  
 regno, præter Scholas cæteras, potissimū  
 Academiā Hassniensem, ab auo suo Chri-  
 stiano primo ante annos abhinc 80 fun-  
 datam, tūc autē motibus bellorū ferè col-  
 lapsam, restaurare: id per doctissimos ui-  
 ros, scholæ Vuittebergensis alumnos, ef-  
 fectum reddidit. et aucto professorū nume-  
 ro, singulis certa stipendia, unde honestè  
 uiuerent, magna liberalitate attribuit.

Lau-



Laudantur prisci Danorū Reges, quos aut templa extruxisse, aut collegia & alios cœtus scholasticos instituisse, aut quoquo pacto religioni Christianæ ornamento uel adiumento fuisse, memoriæ proditum est.

Haraldus Quintus, omnium Christianorum Regum in Dania primus, suasu LUDOVICI Pij Imperatoris, Moguntiae ante annos 734, unâ cū uxore, & quos secum habuit proceribus, baptizatus est: Anno Christi 825, & cum per arma Saxoniae à Cæsare impetrata, regno restitueretur, in reditu secum adduxit eruditum uirum ANSGARIVM, cuius opera primū ueræ religionis doctrina in hoc regno, profanis gentium idolis etiam tum dedito, disseminari cœpta est.

ERICVS Tertius, non solum ipse baptizatus est: sed proposito per totum regnum edicto, omnibus suis ut Christiani fierent, & ueræ pietatis doctrinam amplecterentur, demandat. Ansgarium reuocatum, doctrina, baptismo, & miraculis (ut fertur) clarum, magna reuerentia obseruat, amicis intimis annumerat. & non modò per ipsum, unâ cum alijs prædicatoribus



dicatoribus nonnullis, uerbum Dei latè  
spargi, & propagari facit: sed & ex illius  
consilio, ante annos circiter 700, duo  
templa in his terris omnium antiquissi-  
ma extruit: primum Slesuicense, alterum  
Ripense, in hac nostra patria.

Ansgarius autem Hamburgum redire  
cupiens, reliquit Rembertū discipulum  
suum, & in episcopatu Hamburgensi suc-  
cessorem, ut Christianos *νεοφύτους* in his  
locis doctrina, exhortatione, & consola-  
tionibus, aduersus imminentes persecu-  
tiones confirmaret.

Anno Chri-  
sti 944.

HARALDVS Septimus, Gormonis Ter-  
tij filius, postquam præsente Othone pri-  
mo, ante annos 615 baptizatus est, unà  
cum uxore Gunilda: & filio paruulo Suē-  
none: ( qui tum dictus est Suenotho:  
quòd cum Imperator Otho ex baptismo  
suscepit ) mox religionem labefactatā re-  
staurauit: et Episcopatus erexit quatuor,  
Slesuicensem quidem & Ripensem, repa-  
ratis priorum templorum ædificijs: Ro-  
schildensem uerò, & Arusiensem, templis  
nouis apparatu magnifico extructis.

Et hæc in diuinis rebus prouehendis  
industria, tantam ei laudē peperit, ut Hel-  
moldus



moldeus asserat, non surrexisse similem ei  
inter omnes reges Danorum, qui tantam  
Aquilonis latitudinem ad fidem cogniti-  
onis ueri Dei traxerit, & omnem terram  
ecclesijs & ministris Verbi fecerit esse in-  
signem. Quare eum & inter Martyres Chri-  
sti gloriosos numerat: quod à filio perfido  
& apostata, ob professionem ac pro-  
pagationem nominis Christi, regno & ui-  
ta priuatus sit.

CANVTVS Quartus, quem plerique  
Sanctum appellare soliti sunt, Episco-  
pos, & cuiuscunque ordinis clericos, be-  
nignissimis priuilegijs, decretis & ho-  
noribus adornare, & summis largitioni-  
bus demereri studebat. cumque eos sibi  
maximè deuinctos, intimis consilijs ad-  
hiberet, & plebem sacrorum rudem, fru-  
stra decimarum pensioni assuefacere uel-  
let: grauissimas tum magnatum, tum po-  
pularium offensas contraxit: & partim  
Blacconis perfidia, partim manifestis suo-  
rum, maximè Cimbrorum insidijs peti-  
tus, anno regni sui decimo, ante annos  
481, propter studium prouehendi & cō- Anno Chri  
seruandi ministerium uerbi, Othoniæ in sti 1078.  
æde Albani trucidatus est, cum ante aram  
c pronus



pronus Deo sese commendaret. ex cuius sanctissimis uulneribus, ut inquit Saxo Grammaticus, plus gloriæ quàm cruoris effluxit. quippe præsentis uitæ exitu initium melioris accepit, hostili iudicio punitus, diuino seruatus.

VVALDEMARVS Primus, pio quodam zelo propagandæ gloriæ Dei, idolomanias Rugianorum ui prohibuit. Cum enim illi idolum Suanteuitum, ex similitudine nominis à Sancto Vito denominatū, ethnico ritu superstitione pro Deo uenerarentur, creaturam anteponentes Creatori: cui & præter cæteras sacrificiorum impensas, in peculium honoris annuatim (horribile dictu) hominem Christianicam, quem fors acceptaret, litare consueuerunt: Rex ante annos 390. simulachrum illud maximum, quo non aliud profanius extitisse creditur, destructo fano eius, sustulit: & per lixas in exigua frustra, aptosque foco stipites redigi, & igni applicatum, concoquendis militum alimentis seruire fecit. Incolas autem Rugiæ per Absolonem Roschildensium episcopum, de cœlesti doctrina erudiri, & lauacro regenerationis in consortium fidelium

um

um  
tis in  
Ha  
rum re  
ueræ p  
non i  
At si  
porag  
erit in  
gnum  
tissim  
Nam  
ria fuer  
mediocr  
ur: & E  
cui, ita u  
mo uite  
gentes p  
dicarent  
tamen la  
cristinæ, ry  
& adorati  
gmina pe  
mnibus  
cuit hon  
regibus  
Illi i



um Christianorum associari curauit, datis in ædificia templorum sumptibus.

Hæc, & si qua sunt similia, Christianorum regum facta, magna esse, & insignia ueræ pietatis indicia, quis nō uidet? quis non ijs laudem suam tribueret?

At si rationem ineamus, in quæ tempora gubernatio eorum inciderit, nō de-erit in nonnullis, quod ut nulla laude dignum, ita Christianum III regem sanctissimum illis longè anteponat.

Nam licet tempore Ansgarij monasteria fuerint Scholæ, in quibus iuuentus mediocriter in bonis literis instituebatur: & Episcopi adhuc suum fecerint officium, ita ut summis laboribus, & cū maximo uite periculo purā Dei doctrinā intergentes profanas, fortiter & fideliter prædicarent, & sacramenta administrarent: tamen labascente paulatim puritate doctrinæ, tyrannis Pontificia cōfirmari, imò & adorari cœpit: exorta Monachorum agmina penè infinita, quibus, adeoque omnibus Pontificijs, ampliores quàm decuit honores etiam à summis monarchis, regibus & principibus exhibiti sunt.

Illi igitur Reges, quos diximus, tam



infœlici seculo nati, etsi multa præclarè ac  
piè gesserunt, ut pijsissimis Imperatoribus  
& Regibus conferri possint, tamen næuis  
suis nō caruerunt: quòd Romanensibus,  
qui columnæ Ecclesię uidebantur, admo-  
dum addicti, nimium se ijs, præsertim Mo-  
nachis, non sine Regiæ dignitatis igno-  
minia subiecerint, moti fortassis honesta  
opinione de religione: ut non tam ipsi,  
quàm Pontificiorum superbia sit accu-  
sanda.

At CHRISTIANVS III, cum ueram de  
Deo doctrinam amplecteretur, & sciret  
sibi diuinitus commissam conseruandæ  
doctrinæ curam, non ociosos impiorum  
hominum cœtus amauit: sed remotis ab  
officio docendi Pontificijs omnibus in  
Academia sua Hassniensi, hanc ipsam E-  
uangelij doctrinam, à probatæ eruditio-  
nis & pietatis doctoribus tradi, disci, &  
ad posteros propagari uoluit, ut inde sem-  
per ecclesijs & scholis idonei gubernato-  
res peti possent.

Porro ut omnibus, etiam posteris, ad  
fontes doctrinæ cœlestis aditum pateface-  
ret, magnos impendit sumptus, ut Biblia  
sacra in Danicam linguam uerterentur: &  
typis

typi  
nere  
Con  
cra B  
man  
curau  
Sol  
qui in  
admo  
rum i  
men,  
insiste  
cam, q  
tandam  
niri iud  
pra lege  
Huic  
summa  
ca uita  
tione ar  
bus sacr  
qualdam  
commo  
litus est  
liæ auli  
secus ac  
scendi a



typis excusa, in singulis Ecclesijs reponerentur: secutus, ut apparet, exemplum Constantini Magni, qui suis impensis sacra Biblia aliquoties describi, & ex suo mandato ad omnes nationes transmitti curauit.

Solitus est autē ipse uiros doctissimos, qui in ea uersione occupati erant, sæpius admonere, & cohortari, ut etiā si linguarum imperiti non essent, potissimum tamen, quoad fieri posset, uestigijs Lutheri insisterent, & eius uersionem Germanicam, quantum lingua pateretur, sibi imitandam proponerent. Tanti fecit huius uiri iudicium & diligentiam, cuius scripta legebat assidue.

Huic de ecclesijs sollicitudini, accessit summa eius pietas in priuata & domestica uita. Manē experrectus, diem ab oratione ardēti auspicabatur: qua finita, diebus sacris, & alias sæpissimè, insignes quasdam è sacris literis sententias, additis commonefactionibus pijs, prælegere solitus est, astantibus cubicularijs, & familiaræ aulicæ: quæ ad eum audiendum, non secus ac ad publicas cōciones, magna discendi auiditate concurrebat.



Ante prandium, tempus aliquod causis cognoscendis impendit: & ipse iusticiæ amans diligenter cavit, ne *spe* *modum* *hunc* fieret, uéue quid turpe in se admitteret per iniusticiam: quin quod æquum esset, ac bonum, tam plebeio quàm patrio, tam pauperi quàm diuiti tribueret.

In prandio, adiunctos habuit doctos uiros, Consiliarios aut Theologos suos, cum quibus de historijs, aut religionis & reipub. statu piè contulit: mouēs interdū quæstiones et disputationes de reb. arduis.

Vt enim sincero amore doctos omnes complexus est, maximeque eos qui Euan gelij doctrinam profiterentur, quos fauore, muneribus & honore prosequi nunquam destitit: ita etiam præsentia & colloquijs eorum summè delectabatur.

A' prandio, quoties publicis negocijs non occuparetur, studijs humanioribus, ac præsertim mathematicis, aut lectione sacra sese oblectabat.

A' cœna, non helluationibus, non aleæ deditus erat: sed plerunque uel Psalmos canere, uel historias elegantes legere solebat: donec peractis precibus suis, Deo sese commendaret: & suauis musicorum concentu

con  
T  
nuli  
quam  
Fer  
nus, E  
cant)  
ter pe  
as pra  
de uer  
porue  
set, sib  
Tar  
CHRIS  
tempo  
die, & si  
piorum  
licitate  
tate pre  
tionum  
gelij se  
cælestis  
eo recre  
seculen  
ἀγλαο  
impijs  
tionum



concentu oblectatus, somnum caperet.

Theodosius Secundus scripsit sua manu libros Noui testamenti, quorum aliquam partem quotidie legit.

Fertur & Alphonsus rex Neapolitanus, Biblia sacra, unà cum Glossa (ut uocant) ordinaria, quatuordecies diligenter perlegisse, adeò ut non modò historias præcipuas, sed etiam multas paginas, de uerbo ad uerbum, memoriter recitare potuerit: & tamen diem quo nihil legisset, sibi turpiter perijsse dolebat.

Tanta, si non maiori, diligentia erat CHRISTIANVS Tertius. Plurimum enim temporis sacrae lectioni tribuebat quotidie. & simul scripta Lutheri, ac aliorum piorum diligenter inspexit: idque ea felicitate, ut magnos paulatim in uera pietate progressus faceret. Et in æstu tentationum ac periculorum efficaciam Euan gelij sentiens, frequenter dulcissimum cœlestis doctrinæ nectar appeteret, seque eo recrearet: quod non, ut ille, putidis & feculentis hominum commentis, glossis *ἀγλάαις*, interpretationibus obscuris aut impijs turbatum, nec humanarum traditionum uappa malè dilutum: sed ex fon-



tibus limpidissimis, Lutheri interpretatione pia, perspicua, & analogia fidei, pristino nitori restitutis, affatim hauriebat.

Non dicam quanta alacritate, sine fastidio, quamplurima historicorum monumenta euoluerit. unde factum est, ut annalibus patriæ etiam perlustratis, præter cætera plerosque Danorum reges, ferro & intestinis bellis absumptos didicerit, suamque uitam Deo ardentius commendauerit.

Ac, ut breuiter quod res est dicam, tantum crebra piorum & utiliū scriptorum lectione profecit, ut mentem sacris uerbi diuini sententijs, & præceptis uitæ quàm optimè formatam haberet: nec infeliciter regulam Nazianzeni sibi obseruandam proponeret, quam utinā omnes non modò principes, sed & singuli cuiuscunq; loci atq; ordinis homines imis pettoribus infigerent,

*ὁ νῦν ἀεί σοι χαμνέτω, τυπόμενος  
θείοις νοήμασί τε, καὶ βίᾳ λόγοις.*

Taceo continuum orandi studium, quo semper impendentes calamitates auertere nitebatur. Notum enim est, doctissimos homines in Germania & alijs regnis,

reg  
per  
nis,  
mijs  
nunc  
simili  
exerc  
uitar  
xem  
Ne  
candi  
colis  
pax d  
Schol  
onibus  
non le  
luxuri  
ret: it  
tamin  
nides,  
tes mo  
bus, lu  
& ruin  
Ad  
quidē  
fit. C  
dæ Sc



regnis, sancta ieiunia et litanias publicas,  
per uniuersum regnū, singulis penè an-  
nis, ab hoc Rege institutas, summis enco-  
mijs prædicare: & cōstanter asseuerare, se  
nunquam tam pia, tam ueterum regum  
similia uidisse ieiunia, aut inuocationis  
exercitia: quibus non secus ac olim Nini-  
uitarum, rex CHRISTIANVS ipse alios e-  
xemplo haud cōtemnendo anteiret.

Nec fuit inanis & frustranea hæc pre-  
candi assiduitas, quin & Regi & regni in-  
colis comōda afferret plurima: adeò ut  
pax diuturna, propagatio Ecclesiarum &  
Scholarum, & florens diuinis benedicti-  
onibus regnū, uicinis æmulis inuidiam  
non leuem iniecerit: cum cætera regna  
luxuries, uicijs odijsque superbia uerte-  
ret: ita ut ea ob funestissima bella, & cer-  
tamina ambitionum, uastationes, tyran-  
nides, persecutiones piorum, & seruitu-  
tes morte grauiore, acerbissimis dolori-  
bus, luctibus & mœroribus premeretur,  
& ruinam interitumque minarentur.

Adde quòd uita Regi, ualetudinario  
quidē, sed oranti, miraculose prorogata  
sit. Cum enim ante annos aliquot, Lun-  
dæ Scaniensiu, & postea sepius Coldinge



Cimbrorum oppido, lethali morbo cor-  
riperetur, nec in arte medica ullus esset  
præsidij locus reliquus, constat eum suis  
& suorum precibus immediatè à Deo ui-  
tam multorum annorum obtinuisse.

Quantum autem hic Rex alijs calcar ad-  
similia pietatis officia addiderit, quanquā  
ipsi uidetis, tamen à me in dicendo præ-  
tereundum non est.

Hoc enim sic fieri solere accepimus, ut  
cum homo imitationem intelligat, & imi-  
tando discat, Regum probati mores facil-  
limè multorum animos alliciant ad imi-  
tationem: maximeque eorum qui & ho-  
nestatem amant, & in regno uiuunt, aut  
domestica & familiari regis fruuntur cō-  
suetudine, ut inquit Claudianus Stilico-  
nem laudans:

*Scilicet in uulgus manant exempla regentum:*

*Vtq; ducum lituos, sic mores castra sequuntur.*

Et Cicero ad Lentulum scribens: Sunt  
hæc, inquit, apud Platonē nostrum scri-  
pta diuinitus, quales in Repub. principes  
essent, tales reliquos solere esse ciues.

Quare factum est, ut pio Regi, pium  
fuerit satellitium: studio pietatis in uul-  
gus optimis exemplis propagato.

Inciuiile

In-  
sterre-  
attent-  
uile u-  
canent-  
sacram-  
tur sac-  
Vidi  
cōcion-  
Rege i-  
admira-  
dò arm-  
rate cla-  
gis can-  
mo cœ-  
tem æm-  
Ac so-  
tem ue-  
berge p-  
D. PHIL-  
diui stat-  
sine læt-  
tati fide-  
sti, uer-  
in Cap-  
Qui-  
tis Iai-



Inciuite enim uidebatur, ministrum  
stertere, aut aliud agere, Rege summa cū  
attentione concionantem audiente: inci-  
uile uidebatur, ministrum tacere, Rege  
canente: inciuite & impium iudicabatur,  
sacram cœnam negligere, qua Rex utere-  
tur sœpissime.

Vidimus nobiles & aulicos cæteros,  
cōcionibus frequentes & attētos unā cū  
Rege interesse: uidimus cum gaudio &  
admiratione milites ueteranos, non mo-  
dò armis et rebus fortiter gestis, sed et pie-  
tate claros, alta uoce psalmos exēplo Re-  
gis canere: uidimus eosdem, frequentis-  
simo cœnæ Dominicæ usu Regiam pieta-  
tem æmulari.

Ac solet mihi de his cogitanti, in men-  
tem uenire illius temporis, quo Vuitte-  
berge præceptorem nostrū clarissimum,  
D. PHILIPPVM Melanthonem, sœpius au-  
diui statum ecclesiarum nostrarum, non  
sine læta gratulatione prædicare: & socie-  
tati fideiū comparare, quę tempore Chri-  
sti, uersantis in Palēstina, ac docentis, fuit  
in Capernaō.

Quia ut illic iucundissimus erat pasto-  
ris Iairi, & Capitarrei centurionis cum  
Christo



Christo consensus: ita & in hoc Daniæ regno amœno, claruit hætenus summa Regis pietas, & erga ueram religionem, Ecclesias & Scholas amor intimus: proceres & præstantissimi quique regem pacificum dilexerunt, & eius exemplo adducti, nihil ea beneficentia antiquius ducebant, qua ueræ religionis amorem summis charitatis officijs ostenderent.

Doctores etiam uerbi, simplici ueritate contenti, utilissimam in Ecclesijs concordiam retinuerunt: & Regis auctoritatem ueriti, nullas neque doctrinæ purioris corruptelas, neq; calumnias aut hyperbolas Illyrica pice infectas, unquam in uulgus spargere tentauerunt.

Quod si in multis Germaniæ locis, simili principum cura præcaueretur, non tantis conuiciorum plaustris immeritò obruerentur præceptores optimi: nec tot dolendæ & perniciosæ ecclesijs dissensiones, in summa impunitate mēdaciōrum excitarentur, à leuibus & petulātibus ingenijs, quibus usitatæ fraudes sunt, panicis clamorib. rumusculos ficticios spargere, & τερατολογίας καὶ θαύματα ρημάτων quærere: ut summos ac clarissimos uiros, optimè

opti  
prag  
erudi  
diores  
ducan  
A  
dibili  
homi  
tiam  
perau  
Re  
tē con  
& mu  
summ  
sunt u  
mites  
cis, iu  
prom  
roicæ  
nostri  
Ac p  
rese iu  
bolun  
tis cor  
tis ch  
inole  
symb



optimè de ecclesijs meritos, suspitionib.  
prægaunt, sibi applausus populares &  
eruditionis opinionem concilient, & ru-  
diores in dubitationes aut errores per-  
ducant.

¶ Audistis quæ sit diuina atque incre-  
dibilis pietas Regis, qua non modò eorū  
hominum qui nunc sunt gloriam, sed e-  
tiam antiquitatis memoriam longè su-  
perauit.

Restant uirtutes ceteræ, quas paulo an-  
tè commemorare cœperam, quæ magnæ  
& multæ sunt. Non enim sola pietas in  
summo Rege quærenda est, sed multæ  
sunt uirtutes eximiæ huius effectus, co-  
mitesque uirtutis: sedulitas, studium pa-  
cis, iusticia, facilitas, liberalitas, fides in  
promissis, atque id genus præclaræ & he-  
roicæ uirtutes. quas omnes enumerare,  
nostri non est instituti.

Ac primùm quanta sedulitate fuerit, tū  
res eius præclarè gestæ: tum etiam sym-  
bolum, quo admodum est delectatus, sa-  
tis commonstrat. Est enim oratio men-  
tis character: & mos hic apud Magnates  
inoleuit, ut sua quisque apophthegmata &  
symbolum habeat uocale.

Quemad-



Quemadmodum Iulius Cæsar in ore  
semper Græcos uersus Euripidis de Phœ-  
nissis habebat,

ἐν περ γὰρ ἀδινεῖν ῥῆν, τυραννίδος πέρι  
πάλλιστον ἀδινεῖν· τ' ἄλλα δ' ἐν σεβείν ῥεῶν.

Quod Cicero uertit in Officijs hoc pacto:

Nam si uiolandum est ius, regnandi gratia

Violandum est: alijs rebus pietatem colas.

Antoninus Pius sæpe dixisse fertur: Malo  
unum ciuem conseruare, quàm mille ho-  
stes occidere. Ab hoc adoptatus Anto-  
ninus Philosophus, fertur in ore habuisse  
Platonis dictum: Tunc florent respub.  
quâdo uel philosophus regit, uel rex phi-  
losophatur. Sapientissimus rex Neapo-  
litanus Alphonsus, ad effigiem pelecani,  
rostro elicientis ex pectore sanguinem, ad  
pulos fouendos, addidit inscriptionem:  
Pro lege & pro grege. FRIDERICVS Au-  
striacus, Maximiliani pater, assiduè dixit:  
Dissimulare qui nescit, imperare nescit.  
Maximilianus hoc symbolum, tempe-  
rantia & prudentia præcepto compo-  
situm habuit: Tene modum, & respice fi-  
nem. Eius filius Philippus, pater Caro-  
li, dicitur hoc symbolo oblectatus: Qui-  
cunque uolet. Carolus Quintus fre-  
quenter



quenter symboli uice dixit: **VLTERIVS.**

Quorum quidem omnium grauissi-  
mum est, & modestissimum, Alphonſi  
dictum. At modestius, & cum maiori pie-  
tate, sanctissimus Rex **CHRISTIANVS III,**  
duo symbola usurpauit, & in multis lo-  
cis etiam ad ædificia ornanda ascribi cu-  
rauit:

1 *Zu got mein trost allein,  
Sunst andern kein.*

2 *Ach Got schaff dein willen:*

*Sim licet innumeris hinc curis, inde periclis*

*Cinctus, at amplector te Deus alme fide.*

*Omnia tu solus, mihi tu solatia præstas:*

*Cætera nil profunt, nil peritura iuuant:*

*Cuncta meis cedant, quæ fert tua Christe uoluntas,*

*Vt tibi solliciti munera grata ferant.*

Horum autem ut prius firmam regis  
in Deum fiduciam, ita posterius sedulita-  
tem eius non uulgarem indicat: qua non  
modò ipse recta facere nitebatur, & Deo  
placentia: sed & pro officio suo urgebat  
strenuè, & pijs uotis à Deo precabatur, ut  
in politia, ecclesijs & æconomijs, bona,  
salutaria, & Deo grata fierent ab omnib:

**Decet**



Decet autē, ut symbolum illustrissimæ  
eius Reginae DOROTHEAE, Dominae no-  
stræ clementissimæ, laude dignissimum  
prioribus addatur. Ea enim, ut est eximia  
pietate, uirtute, gratia, ita hoc dicto uti-  
tur assidue, & symboli loco habet:

*Alles von Got:*

*A' Deo omnia.*

Quæ uox quot & quantas uirtutes, o-  
mni præconio maiores ei tribuat, singulis  
cogitandum relinquo.

Quanto præterea studio pacis fuerit,  
apparet ex bello mox post electionem cō-  
tra grassatores quosdam suscepto: quod  
ea animi moderatione confecit, ut nihil  
aliud nisi pax quæsitâ uideretur. Nec se  
bellis ullis ab eo tempore implicuit, sed  
idem sensit quod Martianus Imperator,  
cuius symbolum fuisse fertur: Quando in  
pace uiuere possumus, non est opus indu-  
ere arma.

Novit tot & tâta esse belli inçōmoda,  
quot sunt pacis commoda: nouit bella  
per sese doctrinas & disciplinam delere:  
maluit ergo in pace, ecclesijs, politijs &  
scholis consulere, quàm bello ijs uastitatē  
attrahere:



attrahere: maluit *εἰρηνότατος*, quàm *πλεονέκτητος* & esse & appellari.

Hoc pacis amore adductus Rex sapiē-  
tissimus, filio suo FRIDERICO Secundo,  
in regni successionem legitimè electo, ho-  
magium à subditis præstari uoluit, anno  
à nato Christo 1542: ut est in Disticho,  
quod simul & ætatē Principis & annum  
Domini complectitur.

*En ut rex Danis lectus FRIDERICE uocaris,  
Non anni plures octo fuere tibi.*

Vidit enim optimus patriæ pater, ea re  
concordiam firmari, & nouis motibus oc-  
casiones denegari. Habuit ante oculos  
summorum regum exemplum, quo sibi  
id faciendum, quod illi fecerunt, iudica-  
uit. Meminit idem ab auo & patruo suo  
factitatum: meminit Dauidem, Valenti-  
nianum Primum, Theodosium, Carolū  
Magnum, Henricum Aucupem, eius fili-  
um Othonem primum, Fridericum Au-  
striacum, aliosque nonnullos Reges &  
Imperatores, hoc pacto subditis non mo-  
dò successorem certum, sed plerunq; eti-  
am pacem & tranquillitatem, ab intesti-  
nis dissensionibus alienam reliquisse.

Non autem in pace diutina, inani & i-  
d gnauo



gnauo ocio deditus erat: sed fuit reuera  
*φιλήσυχος καὶ δραστήριος*, quales fuisse Lace-  
 dæmonios ait Thucydides. Multa loca  
 ædificijs ornauit, arces permultas suo  
 sumptu à fundamentis extrui fecit. In ar-  
 ce Haffniensi bibliothecā nobilissimam  
 instituit: & quoties per aduersam uale-  
 tudinem non impediabatur, singulas re-  
 gni oras adiit ipse. Fouit ecclesias & scho-  
 las, ijsque redditus liberaliter attribuit: iu-  
 sticiam in disciplina tuenda, & politica iu-  
 risdictione exercuit diligentissimè.

Nihil enim turpius, aut se indignius  
 iudicabat, quàm in numero eorum esse  
 iudicum, qui (ut inquit Comicus noster)  
 sæpe propter inuidiam adimunt diuiti,  
 aut propter misericordiam addunt pau-  
 peri.

Et quia eam esse laudem in animū in-  
 duxit maximam, quàm maximè seruire  
 suorum commodis, remque ad salutem  
 & dignitatem populi administrare: curā  
 legum honestarum & utilium nō modò  
 non recusauit, sed etiam cum pleræque  
 leges à Vualdemaro Secundo, ante an-  
 nos 325 latæ, correctionem quandā po-  
 stularent, propter circumstantias perso-  
 narum,

narum  
 pore à  
 post su  
 nation  
 regni n  
 non fin  
 tis fact  
 quæ cu  
 sint, &  
 gni fac  
 toritate  
 bilem  
 necessar  
 Potiss  
 mione d  
 filio rece  
 na, qua  
 non am  
 uel testi  
 sed perpe  
 bonis om  
 tis, quos  
 iuri, teste  
 Volui  
 næ seuen  
 do leuita  
 polluat,



narum, negotiorum & locorum hoc tem-  
pore à prioribus diuersas: ipse aliquoties  
post susceptam horum regnorum guber-  
nationem, ac præsertim ultimo uitæ &  
regni mēse, suas quasdam leges positiuas,  
non sine consensu Senatus tulit, de cer-  
tis factorum & pœnarum circumstantijs:  
quæ cum iusticiæ seruandę admodū pro-  
sint, & legi diuinæ non repugnent, ma-  
gni faciendæ sunt: & partim propter au-  
toritatem regiam, partim propter proba-  
bilem honestatis & utilitatis rationem,  
necessariò à subditis obseruandæ.

Potissimum autem in ijs commemo-  
ratione dignum est decretum, graui con-  
silio recens editum, de noua periurij pœ-  
na, qua semel periurus, aut falsus testis,  
non amplius ad præstandū iuramentum,  
uel testimonium dicendum admittitur:  
sed perpetua notatur infamia, & priuatus  
bonis omnibus, duobus truncatur digi-  
tis, quos in altum erexit, cum Deum peri-  
urij testem inuocaret ac uindicem.

Voluit enim bonus princeps, hac pœ-  
næ sèueritate frenare uulgatā in peieran-  
do leuitatem, ne quis temerè periurio sese  
polluat, nisi malit digitorū iacturā facere:

d 2

Facile



*Facillitudo committere ab  
eodem dicitur apud Ciceronem  
facillitudo dicitur apud Ciceronem*

52

Facilitate insuper tanta fuit, ut ei uerius quàm Pompeio Ciceronis illud conueniat: quòd ita faciles aditus ad eum priuatorum, ita liberæ querimoniæ de aliorum iniurijs fuerint, ut is qui dignitate principibus excellit, facilitate par infimis esse uideatur.

Ceterum quæ fuerit Regis nostri sapientia, multarum artium peritia, & memoria uerè diuina: quæ heroica & inuisa animi fortitudo in bellis gerendis, & ferendis uulgi erratis: quæ patientia in morbo annorū octodecim, quæ clementia, quæ humanitas, quæ comitas, quæ munificentia in suos & peregrinos, maximè exules ob Euāgelij professionē, quī amor studiosorum, quæ deniq; in consilijs Reipub. utilibus constantia, & in fœderibus seruandis fidelitas eius fuerit, omnibus non solum huius regni, sed totius penè Europæ incolis notissimum est.

In hunc enim unum Regem, tanquam ueræ pietatis & omnium uirtutum exemplar præstantissimum, omnium oculi cōiecti erant: hunc uelut ecclesiæ columnen, miserorum asylum, regumque omnium qui nunc sunt decus præcipuum, uenerabantur

raba  
tum  
breu  
nem  
Cu  
cia ru  
iuncta  
tioner  
ueret:  
tia sur  
cijs sol  
simula  
rato so  
gnum  
la, ad ip  
rum tan  
forte no  
ceps op  
missis  
tur mis  
redactio,  
sedition  
cere coe  
Sed d  
Restat  
uita exi  
pijsima



rabantur omnes. Quare sola earum uirtutum commemoratione contentus, per breuem tantum seruati fœderis narrationem adijciam.

Cum enim anno Domini 1543 in Suecia rusticus quidam, Nicolaus Tack, adiuncta sibi Smalandiorum caterua, seditionem aduersus regem Gostauum moueret: CHRISTIANVM III, cuius potentia summo eū timore affecit, missis nuncijs sollicitabat, ut aliquantisper hac re dissimulata quiesceret, nec ullam confœderato socio opem ferret. hoc enim pacto regnum Sueciæ, cum magno plebis applausu, ad ipsum superato Gostauo rediret. Verum tam amplæ conditioni, quam alius fortè non recusasset, longè prætulit princeps optimus religionem initi fœderis: & missis aliquot peditum cohortibus, & turmis equitum, Gostauo ad angustias redacto, fidem in reprimenda rusticorum seditione præstitit, eosque imperata facere coegit.

Sed de uita eius dicendi finem faciam. Restat nunc fœlix & tranquillus ex hac uita exitus, qui cum rationem moriendi pijsimam nobis exhibeat, minimè silen-

d 3 tio est



tio est prætereundus.

Nihil enim Christiano homini neque optabilius neque melius est, quàm ut ueram moriendi artē tempestiuè addiscat, & in numero eorum inueniri possit, de quibus dicitur: Beati mortui, qui in Domino moriuntur. In quam sententiam præclare cecinit Iohannes Stigelius, & uir & poeta optimus:

*Hæc nisi sit certæ uigilans meditatio mortis*

*Vita, Deo grata nil rationis habet.*

*Viuius & morimur, metam aspiramus ad unam:*

*Qui bene desierit uiuere, uictor erit.*

*Ah quantum est didicisse mori: sic transige uitam*

*O homo, ut in Christi uiuere morte queas.*

Mortuus est CHRISTIANVS Tertius, omnium, quantum est qui uiuant, Regū rex honoratissimus, in uicinia Coldingæ, Cimbricæ Chersonesi oppido, initio huius anni 1559, ipsis Calendis Ianuarij: anno ætatis suæ quinquagesimo sexto, climacterico octauo. Fuit enim totum uitæ eius curriculum 55 annorū, quatuor mensium, & dierum uiginti.

Prodigia mortem eius antecesserunt varia: inter quæ præcipui sunt, gemini

terris

terris  
as po  
re sol  
ultra  
Marci  
anno  
ginti  
His  
eodem  
bris,  
quiere  
STIA  
letudo  
rerur,  
que ab  
mortem  
celesti  
rauit.  
Cal  
tionis  
lestæ ac  
bi præle  
primo:  
catis ne  
seculo  
& patr  
lorum



terris mutantes regna cometae, qui uarias populis principibusque uices denotare solent: quorum alter Anno Christi 1556, ultra quinquaginta dies illuxit, ab initio Martij ad uicesimum diem Aprilis: alter anno 1558, à sexto die Augusti per uiginti dies apparuit.

His accedit admonitio angelica. Nam eodem anno, die uicesimo tertio Decembris, decimo die ante obitum suum, per quietem ab angelo Dei edoctus est CHRISTIANVS III, quòd cum anno nouo ualētudo eius aduersa in meliorem innouaretur, & tunc uita longior sequeretur. Atque ab eo tempore se indies ad instantem mortem, cuius iam præscius erat, & ad cœleste domicilium pijs exercitijs pręparauit.

Calendis Ianuarij, memor cōmonefactionis diuinę, ut itineri sese in patriā cœlestē accingeret, primū summo mane sibi pręlegi uoluit locum Pauli ad Galatas primo: Christus dedit semetipsum ꝑ peccatis nostris, ut eriperet nos de præsenti seculo nequam, secundū uoluntatē Dei, & patris nostri: cui gloria in secula seculorum, Amen.

d 4 Deinde



Deinde concionatorem suum M. Paulum Nouiomagum ad se uocari iubet: & remotis arbitris, solus cum eo per mediam horam in cōclauī colloquium habet. ubi piam & rege Christiano dignam edit confelsionem: & partim ipse sese promissionibus Euangelij consolatur: partim etiam dignitatem & utilitatem ministerij considerans, hūc ministrum magna cum læricia audit sibi annunciantem remissionem peccatorum, iusticiam & acceptationem ad uitam eternam, gratis propter IESVM Christum mediatorem fide apprehensum.

Et postea sub horam decimam, absoluta concione M. Pauli de circumcissione Christi, & nomine IESV, sacram corporis & sanguinis Domini nostri IESV Christi cœnam, in uberiolem fidei confirmationem sibi administrari effecit.

Regina DOROTHEA, finitis in templo sacris, lachrymabunda aduenit, & tacita ad lectum accedit. Tanto enim fletu & dolore grauabatur, ut nihil aliud agere, & ne quidem clauem à Rege oblatam accipere, neque diutius in eo loco commorari posset.

Interea

In  
um  
prude  
ritum  
hortat  
hac ell  
data fi  
design  
gubern  
achort  
Euang  
totius  
tem &  
tueatur  
nistroru  
res eoru  
sentur, &  
delitate  
Cum  
hannes  
tes ader  
landia te  
gnus ad  
ctorem a  
lantes,  
genibus  
te ulla



Interea Rex uocatum ad se cancellarium utrumque, Iohannem Frijs, uirum prudentissimū, optimè de his regnis meritum, unà cum Andrea Barbij, seria exhortatione & mandato graui alloquitur: hāc esse extremam suam uoluntatem, ut datæ fidei memores, FRIDERICVM Regē designatum, pijs & utilibus consilijs in gubernatione adiuuēt: & ipsi autores sint ac hortatores, ut pacis amans, synceram Euangelij doctrinam, ecclesias, scholas, totius denique patriæ salutem, dignitatem & gloriam, paterno ac auito exēplo tueatur & promoueat. haberent etiā ministrorum Reginum rationem, ut labores eorum liberali stipendio recompensentur, & gratiæ illis pro præstita sibi fidelitate & diligentia agantur.

Cum autem illustrissimi liberi eius, Iohannes & Dorothea, qui tum soli præsentēs aderant ( FRIDERICVM enim in Selandia tempestas aduersa detinuit, & Magnus ad Ducem Saxoniae Augustum Electorem abierat ) lachrymis suffusi & euiulantes, materno iussu patrem adirent, & genibus ante lectum innixi, offensæ, si fortè ullam admiserant, ueniā peterent: ipse

d 5 dextra

Interea



dextra capitibus eorum imposita, sanctos patres imitatus, illis benedicit: orans ut in uera pietate, timore Dei, & amore uerbi diuini, honestè ac placidè uiuant, diuinis benedictionibus crescant, & bonis omnibus affluant.

His digressis, Regina iterum adueniens, multis eum lachrymis alloquitur: & errata, si quibus animum eius unquam offenderat, condonari sibi petit. Tum ille: Mea DOROTHEA, inquit, dulcissima coniunx, sis bono animo: nihil est iniuriarum: uita nobis, ita ut uolui, placida fuit: semper te amico esse animo erga me sensi, morigeram, obsequentem, bonam. Omnia sunt condonata. Nunc me Deus ad coelestem patriam auocat: decet nostra desideria uoluntati diuinę subijci: & si unquam meam erga te experta es beneuolentiam, quæso hanc mihi gratiam nunc pro illa des, ut luctum minuas. Me enim non amittis, sed præmittis: & cum Deo ita uisum fuerit, iterum mihi iungêris in uita æterna, in regno coelesti, ibi eris socius læticiæ & fœlicitatis æternę. Hęc uita caduca est, breuis & calamitosa: illa æterna & fœlicissima. in hac præsens, illa animo  
absens

absens  
noctes  
oblecte  
res. & d  
dei fru  
pietate i  
nostro f  
que me  
subdito  
cem am  
Hęc  
tur, quo  
Post  
astantes  
cæteros c  
in se offic  
ualedicte  
A' me  
huc uixit  
dentissim  
posteritat  
Et quia  
mo fidei  
tentation  
Psalmis c  
scuto fide  
teret faci



absens desideres, illam speres, illam dies  
noctesque expectes, de illa cogites, illa te  
oblectes, ad illam in timore Dei te præpa-  
res. & dum inter homines uersaris, te fi-  
dei fructibus exerceas: liberos qua decet  
pietate instituas: & maximè FRIDERICO  
nostro salutaria cōsilia communices, eū-  
que moneas ne nouis exactionibus suos  
subditos oneret, sed Deum timeat, pa-  
cem amet.

Hęc uerba mutuus amplexus cōsequi-  
tur, quo sibi inuicē tandem ualedixerūt.

Post Reginæ abitum, ipse oratione ad  
astantes nobiles, medicos, & ministros  
cæteros conuersa, singulis pro exhibitis  
in se officijs gratias agit, & dextera data  
ualedicit.

A meridie quatuor horas, quibus ad-  
huc uixit, pijs exercitijs tribuit: sæpius ar-  
dentissimis uotis Ecclesiā, sese, suamq;  
posteritatem & regna Deo commēdauit.

Et quia inuictissimus heros, utut fir-  
mo fidei robore præditus erat, etiam tunc  
tentationibus spiritualibus non caruit:  
Psalmis canēdis sese dedit, ut tela Diaboli  
scuto fidei excepta leuius ferret, & excu-  
teret facilius.

Hoc



Hoc enim pio canendi exercitio se antea, tam in prospera quàm aduersa ualitudine, recreatum, & summis doloribus liberatum meminit.

Ordine autem hos quinque Psalmos Germanicos ipse, spe uitę melioris lætus, cum ministris luctu & tristitia penè obrutis cecinit :

1. *Mit fried vnd freud ich fahr dahin.*
2. *Mitten wir im lebend sind.*
3. *Nu laßt vns den leib begraben.*
4. *Nu bitten wir den heiligen geist.*
5. *Vuir gleuben all an einen Got.*

Sed quemadmodum à Simeonis canticò initium fecerat: ita etiam desiderio instantis resolutionis, & beatissimę cum Christo & cœlesti Ecclesia cōuersationis, idem canticum altera uice cantari, & in eo canendi finem esse uoluit.

Miramur autem, & magis etiam mireremur, nisi plurimum temporis ab eo per omnem uitam Psalmis & publicè & priuatim canendis tributum sciremus: quòd Rex in extremo agone, iam animā agens, tantum memoria ualuerit, ut Psalmorū meminerit: atque eorum Psalmorū, quos

Lutherus

Lutherus  
um, e  
dita  
latione  
rum, c  
Qui  
nenter  
sepult  
ac mo  
cantar  
Ali  
rem f  
mus,  
re, &  
præter  
Sem  
in con  
re ius  
re, t  
& con  
Dei cor  
seuerar  
Alta  
Paulu  
uices  
fima  
tertio



Lutherus sub finem cantionum funebrium, eodem penè ordine, in funere & reditu à sepultura piorum, ad nostri consolationem, & spem resurrectionis corporum, canendos admonet.

Quis non miretur, hominem adhuc uiuentem, eos Psalmos qui mortuis, imò & sepultis usitatè accinuntur, sibi non secus ac mortuo, & ad sepulturæ locum allato, cantari uoluisse?

Alius in eo morbo sibi uitam longiorem fortè expectasset. At hic Rex pijsissimus, tam fuit certus de morte imminente, & resurrectione carnis suæ, ut futura præteritis certiora habuerit.

Semel atque iterum omnes, quotquot in conclauì aderant, in genua procumbere iussit, & Deum pro se ardentè inuocare, ut spiritu diuino confirmatus, in firma & constanti fide, quæ tum lætus beneficia Dei complectebatur, ad finem usque perseverare posset.

Astabant & concionatores Regij, M. Paulus, & M. Andreas Martinus: qui per uices dicta Scripturæ cōsolationis plenissima repetebāt, & præcipuè ea quæ Iohan. tertio, & apud Esaiã capite 53 inueniuntur.

Nec



Nec cessauit ipse, quin sententias sibi antea familiarissimas, in memoriam reuocaret, & dulcissima paraphrasi in sui consolationem explicaret.

Ac tandem post quartam pomeridianā deficientibus paulatim uiribus, anima eius hoc mortali carcere placidè liberata est: & ex hac ærumnosa uita, ad letissimā Dei, castorum angelorum, piorū regum, & sanctorum omnium societate euocata est: quorum colloquijs & suauissima fruitur consuetudine, nobis in hac ualle miseriarum & luctu grauissimo relictis.

Nam, ut cæteros taceam, patruelis eius Christianus Secundus rex captiuus, qui uiuum dilexerat unicè, à quo semper humanissimè tractabatur, tanto dolore ob mortem eius affectus dicitur, ut intra paucos dies mœrore subitò extinctus sit, annum agens septuagesimum septimum, climactericum undecimum.

Corpus autem CHRISTIANI III, Othoniæ in æde S. Canuti, honorificè, ut decuit, sepultum est: 13 die Februarij, hoc anno 1559.

In pompa funebri, præter DOROTHEAM Reginam, eiusque liberos, FRIDERICVM

cum re  
nobil  
rant (u  
strisim  
nes &  
regum  
clararum  
& reue  
Tan  
ne uole  
ge desu  
uerlati  
& om  
nam fo  
teris m  
Habe  
tempo  
riæ, De  
mo, di  
ocio, in  
est, non  
Vestri  
benefici  
retinere  
modul  
Deo gr  
princip



cvm regem, Iohannem & Dorotheam, & nobilium comitarū haud exiguum, aderant (ut meministis) fratres Regij, illustrissimi Duces Holsariæ, &c. IOHANNES & ADOLPHVS: qui luctu maximo *το γυν* suam erga defunctum fratrem declararunt, quem hactenus intimo amore & reuerentia summa profecuti sunt.

Tanta etiam familiaritate, & uera beneuolentia cum filio eius FRIDERICO rege designato, postea aliquandiu sunt conuersati, ut idem uellent, & idem nollent: & omnibus certam spem facerent, diuturnam fore inter eos amicitia, qua nihil his terris melius accidere potest.

Habetis breuiter, Auditores, quæ hoc tempore de CHRISTIANO III, piæ memoriæ, Daniæ & Noruegiæ rege illustrissimo, dicere uolui: cuius opera in bello, in ocio, in negotio, suo quisq; tempore usus est, non sine læticia & utilitate maxima.

Vestrum est, perpetuam uirtutum & beneficiorum eius memoriam in animis retinere, uitæque & mortis exempla pro modulo & uocatione uestra imitari: & Deo gratias agere, quòd tam salutarem principem, Christi gloriæ & salutis patriæ aman-



amantissimū, tot annos nobis cōcesserit.

Cum autem bonorum principum interitus, plerunque insignes rerum mutationes & miserandæ confusiones secutæ sint: necessarium nobis est, ut agamus pœnitentiam, & Deo nos toto pectore commendemus.

Te igitur Omnipotens, æterne, uiuē, & uere Deus, æterne & unice pater Domini nostri IESV CHRISTI, creator cœli & terræ, angelorum & hominum, & aliarum creaturarum omniū, unā cum filio tuo cœterno Domino nostro IESV CHRISTO, crucifixo pro nobis, & resuscitato: et Spiritu sancto tuo, uiuo, ueraci et casto, ueris gemitibus inuocamus, & pectore toto confitemur, nos esse miseros peccatores: ac uerè dolemus nos horribiliter peccatis quamplurimis te offendisse, & pœnas commeruisse, & iram tuam metuimus: ac supplices oramus te, ut in ira tua misericordiæ recorderis: non abijcias nos ad te confugientes, quanquā sumus miseri, spreti, infirmi, uarijs fordibus fœdati, ἑξουθενούμενοι, & prorsus deformia ἐν τρώματι, ut Paulus de se loquitur: sed remittas nobis omnia peccata nostra, nos iustifices & salues,

& salu  
minu  
uoluit  
gubern  
cem in  
blicas &  
motus  
Ecclesia  
gnis, p  
Illustr  
DERICE  
gneris,  
nare, ut  
religion  
studia, d  
promou  
regionib  
colligat  
diabolos  
& fanatic  
datur



& salues, per & propter filium tuum, Do-  
 minum nostrum IESVM CHRISTVM, quē  
 uoluisti pro nobis esse uictimam, *καὶ μεσί-*  
*την καὶ ἐνέτην*: nos sanctifices & clementer  
 gubernes Spiritu sancto tuo, tribuas pa-  
 cem in diebus nostris, mitiges pœnas pu-  
 blicas & priuatas, imminetia pericula ac  
 motus bellicos pro tua bonitate auertas:  
 Ecclesias, Scholas, & politias in his re-  
 gnis, propter tuam gloriam conserues: &  
 Illustrissimo principi ac regi nostro FRI-  
 DERICO summus consiliarius adesse di-  
 gneris, eiusque gubernationem ita fortu-  
 nare, ut ipse paternis uirtutibus ornatus,  
 religionem, iusticiam, honesta doctrinæ  
 studia, disciplinam & pacem publicam  
 promoueat: tibi que æterno Deo, in his  
 regionibus uera Ecclesia uoce ministerij  
 colligatur, & tua ope aduersus omnium  
 diabolorum, tyrannorum, sophistarum  
 & fanaticorum hominum furores defen-  
 datur, hospitia mediocria habeat,  
 & tuta ad uitam æternam  
 perducatur.

DIXI.

c



LECTORI S.

*Hunc Regi extremum grati testamur amorem:  
Tristia sunt, tempus qualia triste decent.  
Rege licet tanto non nostra est digna Thalia,  
Ille tamen dignus qui caneretur erat.  
Et plorare iuvat, iuvat exatiare dolorem:  
Et pius est patria gesta referre labor.  
Vera nimis canimus, nimium sed paupere uena:  
Pauper & in lucem Musa uenire timet.  
Scribere qui iussit, quiq; impulit, edidit idem:  
Cuius ego è multis unus alumnus eram.  
Et sumus hac, fateor, nimium inueniliter ausi:  
Candide tu Lector consule cuncta boni.  
Et rude si lectu dignabere ( si modò ) carmen,  
Des ueniam: in magnis si uoluisse sat est.*

DE  
NIS  
anc

Scri



Habitu  
Hei qu  
Tepie Cl  
Impo  
Affili m  
Vnicu  
Tumedi  
Qui in  
Exiguu  
Quem  
Et licet  
Nec

34

EPI CEDION  
DE INCLYTO ET SERE  
NISSIMO REGE CHRISTI-  
ano III, Rege Daniæ & Nor-  
uegiæ, &c.

Scriptū & recitatum in schola Ripen-  
SI, A PETRO HBGE-  
lio Ripensi.



*E* xul in his uariè lacerata Ecclesia  
terris,

*Dum procul à patria cogitur esse  
sua:*

*Hostibus obruitur uarijs, & mille periclis:*

*Hei quòd & in matrem uiscera seua ruunt.*

*Tepie Christe suum sequitur sponsumq; ducemq;*

*Impositamq; trahit sponsa tenella crucem.*

*Ast illi ne fracta labat sub pondere ceruix,*

*Vnicus Emanuel Christe benigne caues.*

*Tu medios inter rictus dentesq; luporum,*

*Qui in sponsam pandunt guttura seua tuam,*

*Exiguum saluasq; tibi, seruasq; popellum,*

*Quem plus quàm sponsum sparis, amorq; fouis.*

*Et licet haud regitur nostris Ecclesia curis,*

*Nec studys hominum tutior esse potest:*



*Vis tamen afflicta requiem, vis esse leuamen,  
 Hospitiumq; gregi vis superesse tuo.  
 Ergo subinde pius promissos mittis alumnos,  
 Quiq; tuas faciant optime Christe uices.  
 Talis hic Arctois fuerat Rex inclytus oris,  
 Hic cui de Christi nomine nomen erat.  
 Hoc quum Daniacas tenuit Rex nomine terras  
 TERTIVS, ut stabant omnia flore suo:  
 Ut benè Christiadum nomen curamq; gerebat,  
 Quàm fuit huic uera cor pietatis amans.  
 Sed nos ô miseros, quum terras ille reliquit,  
 Hei dolor, heu fati vis truculenta nimis.  
 O' utinam placida compleisset stamina uita,  
 Dania quàm tanto Rege beata foret.  
 Sed neq; nos digni fuimus, quos tanta manerent  
 Commoda, non illud crimina nostra sinunt.  
 Illi etiam potiore loco, potius quoq; regnum,  
 Et melior cœlis uita parata fuit.  
 Hâc habet, hac fruitur: cœpit modò uiuere primū,  
 Nunc euicarpens aurea sacra noui.  
 Sed tamen ereptum gemimus, terrisq; negatum,  
 Sic etiam gratos nos decet esse Deo.  
 O' te quàm meritò toties suspiria uersant  
 Dania, te quoties Regis imago subit.  
 Quin plangis? tanto quis enim modus esse dolori  
 Posset? ubi uideas occubuisse patrem?*

*Ille*

Ille f  
 T  
 Lucet  
 Et  
 Ipse pa  
 Qu  
 Ereptu  
 Hunc  
 Hui  
 Extin  
 Et q  
 Vos eni  
 Ele  
 Fuit u  
 Nunc  
 Iam plo  
 Occi  
 Nos plo  
 Cogit  
 Sed neq  
 Redd  
 Extre  
 Hic q  
 Vi quia  
 De fi

Ille fuit patria pariter princepsq; paterq;  
 Tamq; fuit pacis, quam pietatis amans.  
 Luget adhuc Regina suo uiduata marito,  
 Et dulcem lugent pignora quinq; patrem.  
 Ipse patrem uellet uiuum coramq; tueri,  
 Qui sceptrū & solium iam Fridericus habet.  
 Ereptumq; gemunt procures, regniq; Senatus,  
~~Auxiliū dempto consiliūq; duce.~~  
 Hunc mæsti plangunt ciues, hunc durus arator:  
 Hunc deflent iuuenes, hunc pia turba senum.  
 Extinctumq; dolent pueri: doleantq; nepotes,  
 Et queis tantillum uel rationis erit.  
 Vos etiam Musa, quas ille reduxit ab Orco,  
 Flebitis: hic uobis dulce leuamen erat.  
 Foui is eiectas, regniq; in parte locauit,  
 Nunc adeo uestri quis uenerator erit?  
 Iam plorate schola, iam Musis dedita turba:  
 Occidit, heu, uestri portus & aura chori.  
 Nos plorare decet, nos flendo referre dolorem:  
 Cogimur ante alios nos ea fata queri.  
 Sed nequeunt ipsum nostri reuocare dolores,  
 Reddere nec uitam mæsta querela potest.  
 Extremum hunc igitur Regi præstemus honorem,  
 Hic quoq; defuncto sit renouandus amor:  
 Ut quia iam uiuum uenerari fata negârint,  
 Defleat amissum patria terra patrem.

De reformatione  
 religionis agit



Multa canenda foret huic carmina, multa meretur  
 Cum pietatis honos, tum probitatis amor.  
 O' utinam tanta fuerint in carmine uires,  
 Quam mihi sat Regis dicere gesta foret.  
 Sed uix id docti faceret uel Musa Maronis,  
 Et tua uix Naso, Musa nec Hesse tua.  
 Maenidis tantum tua nomina digna cothurno,  
 Musa cui Graios indidit ore sonos.  
 Sublimis cecinit qui bella Deūmq, ducumq,  
 Cuius inexhausto flumine lingua scatet.  
 Quid tamen? an paucis non dicere multa iuuabit?  
 Num curet tristes Calliopea modos?  
 An quia blandisonum mihi carmē Musa negauit,  
 Cum patria tristi sit graue, flere, nefas?  
 Pauca quidem ē multis dicturi, flebimus ultro:  
 Communis prohibet cuncta referre dolor.  
 Tu breuiter, uitae qui cursus, quiq, labores,  
 Quam placidē extremum clausurit inde diem:  
 Suggerere Musa mihi: me suffice Christe labori,  
 Dum longum timidē Musula reptat iter.  
 Inclite Rex salue, uirtute insignis & armis,  
 Cui nunquam uidit Danica terra parem.  
 O' praclara dies, alboq, notanda lapillo,  
 Cuius luce recens editus, usus eras.  
 Utq, nouem dederat Sextilis in ordine soles,  
 Atq, duos: gremio te tua mater habet.

Aegra

*Aegra licet, gaudet: quin prolis amore uirilis,  
 Applicat ad pectus pectora parua suum.  
 Atq; Deo grates pro tali prole ferebat:  
 Et, quod passa fuit, negligit omne mali.  
 Quamq; potest, uotis tibi prospera cuncta precatur,  
 Et Christo grates officiosa dedit.  
 Nos etiam, cunas & cetera munia uitae  
 Dum canimus, nostras accipe Christe preces.  
 Namq; tibi meritò debetur gratia soli,  
 Qui puerum dederas hunc superesse diu,  
 Et Regem fieri, patrieq; leuare ruinas,  
 Ac patrium molli pace beare solum.  
 Ergo tibi laudes maneant: quod praestitit ille,  
 Acceptum ferimus Christe benigne tibi.  
 Iamq; igitur puer auspicijs faelicibus ortus,  
 Carpebat uita semina prima suae,  
 Nomine auum referens: & auus de nomine Christi  
 Dictus erat Primus, Tertius ille fuit.  
 Sape puer risu lactantem noscere matrem,  
 Blanditias potuit saepe mouere patri.  
 Nam foret amborū decus & laus magna parētū,  
 Sanguine quantumuis clarus uterq; fuit.  
 Mater erat celebris generosi neptis Achillae,  
 Sed non Thessalici Myrmidomumq; ducis:  
 Ast tua Teutonicas celebrate Alberte per oras,  
 Qui benè Teutonici nomen Achillis habes.*



Ille pater, Primus Friderici nomine, Sceptrum  
 Daniaci sumpsit sustinuitq; soli.  
 Hunc ultrò regni procures ad sceptrum uocârunt,  
 Dum uicibus gaudet Dania tota nouis.  
 Huic pater ille fuit Veteri Comes inclytus arce,  
 Sceptraq; Christiadum Primus is ipse tulit.  
 Siq; retrò primam repetas ab origine stirpem,  
 De ueteri regum stemmate stemma trahit.  
 Rex qui Saxonicas tenuit fortissimus oras,  
 Nobile tum nomen cui Vuidechindus erat:  
 Sanguinis hic autor. tot sunt puer ô tibi Reges,  
 Rex patruelis, auus, Rex patruusq; pater.  
 His igitur fueras Rex ipse parentibus ortus,  
 Inde trahit semen mens generosa suum.  
 Ipsa etenim patrum uirtus in prole refulget,  
 Et dat congenitis semina magna bonis.  
 Ergò tibi puero fuit hac pia cura parentis,  
 Custodes uitæ iunxerat atq; duces.  
 Ante alios ea cura tibi Volsunge relicta est,  
 Aetati teneræ crustula prima dares.  
 Tu uelut alter eras Chiron, quem fortis Achilles  
 Ductorem uitæ pertulit esse sua.  
 Formabas aptis puerilia pectora uerbis,  
 Dum fuit huic ætas mollis & apta regi.  
 Et nil passus eras dociles quod laderet aures,  
 Ingenua quæ non indole digna forent.

Te

Te dicit  
 A  
 Donec  
 Opt  
 Hinc ne  
 Inu  
 Hic ubi  
 Imp  
 Qui cur  
 Inge  
 Ad te  
 Del  
 Hunc e  
 Forn  
 Ipse ma  
 Hac  
 Ex te  
 Et m  
 Tunc et  
 Al  
 Sic quo  
 Exor  
 O' prae  
 Clar  
 Hoc uer  
 Et a

*Te duce Phœbeas ultrò perceperat artes,  
Acrior in studijs te monitore fuit.*

*Donec honorifica tractus uirtutis amore,  
Optima per sese nosceret ipse sequi.*

*Hinc nec adhuc iuuenis, cū uix tria lustra teneret,*

*Inuisit terram Marchio clare tuam:*

*Hic ubi degebas animo uenerandus & annis,*

*Imperij magnum dux Ioächime decus.*

*Qui cum nominibus fueras generosus auitu,*

*Ingenijq; ualens eloquijq; bonis,*

*Ad te penè puer teneris perrexit ab annis,*

*Deliciaq; patris, deliciaq; tua.*

*Hunc etiā uenerāde senex (quòd auunculus eſſes)*

*Formabas animi dexteritate tui.*

*Ipse tua cunctos morum grauitate præibas,*

*Hac aula proles Regia digna fuit.*

*Ex te uirtutem didicit, uerosq; labores,*

*Et morum specimen tuq; paterq; dabas.*

*Tunc etiam, ceu manè rubens cum lucifer exit,*

*Atq; procul rutilans monstrat adeſſe diem:*

*Sic quoq; de tenebris sacri lux aurea uerbi*

*Exoriens, sensim sparsit in orbe iubar.*

*O' præclare puer, simul his uersatus in oris,*

*Clarior es uerbi luce nitente Dei.*

*Hoc uerbum tibi lux fuerat, pedibusq; lucerna,*

*Et dux, & uita regula certa tua.*



Iam tibi cor fuerat iuuenili in corpore canum,  
 Iam pueri ingenium turba senilis amat.  
 Et plus quàm reliquis, tibi fauit auunculus uni,  
 Indolis ingenua tractus amore tuae.  
 Tu comes & socius multo iunctissimus usu,  
 Pectoribusq; dedit multa tegenda tuis.  
 Iamq; aderat tempus, cum Carole Quinte uocares  
 Imperij proceres, Teutonicosq; duces:  
 Qui tum Vuormaciae dubias discernere causas  
 Deberent, etiam docte Luthere tuam.  
 O' utinam stricto nollent decernere ferro,  
 Qui tibi plus nimio Papa maligne fauent.  
 Tunc etiam praesens aderas Ioachime uocatus,  
 Imperij Septem gloria magna uirum.  
 Et tua signa sequens iuuenis comparuit heros,  
 Tunc annis instans post tria lustra tribus.  
 Te coluit, uenitq; lubens quocunq; uocares,  
 Non multum lateri uellet abesse tuo.  
 Et licet hunc etas rebus prohibebat agendis,  
 Quae grauib; causis non satis apta fuit:  
 Quod tamen huic licuit, quodq; huc fecisse decebat,  
 Indolis excelsae signa probanda dedit.  
 Prodidit is coram sibi quae doctrina placeret,  
 Hanc ueluti furtim quam prius addidicit.  
 Hic meminisse iuuat pulchrũ et memorabile factũ,  
 Quod puto nequicquam praeterisse decet.

Foris



Fortè aliquis media suggestum ascenderat aula,  
 De grege quos Fratres credula turba uocat.  
 Quis fuerit, satis est: Epicuri de grege porcus  
 Unus erat, frater proximus ipse sibi.  
 Quæ fuit huic uestis talos aquauerat imos,  
 Aptandus capiti terga cucullus habet.  
 Cinxerat & tumidum funis de cannabe uentrem,  
 Quæ plantas nudi fluxit ad usq; pedis.  
 Iamq; palàm tibi uerba daret ter maxime Casar,  
 Concilioq; tuo, principibusq; tuis:  
 Toruus, acerba uidens, nimis imperiosa sonabat,  
 Iam cæpit querulus fanda nefanda loqui.  
 Sape tamen gracili sermonem murmure duxit,  
 Ut uix astanti uerba notanda forent.  
 Sapius at clamat, trepidârunt cardine postes  
 Ad uocem, & pariter ingemuere fores.  
 Et nunc explicitis tundeat pectora palmis,  
 Nunc uelut attonitus uerbera nulla dabat.  
 Iam manibus prensare manus, iâ brachia pandit,  
 Sicut in amplexus adforet ulla suos.  
 Interea leuiter ridet, mox triste minatur,  
 Visa fuit pingues gutta rigare genas.  
 Addidit & lacrymis nutus, ciliumq; mouebat,  
 Annuit & renuit, uult, iterumq; negat.  
 Iam sine crine caput lachrymans in pectora misit,  
 Nequitia raso uertice signa gerens.

Men



*Mox benè compositas tendebat ad aethera palmas,  
 Et citò demissa stabat utraq; manu.  
 Quid, stabat, dixi? sinuato poplite, corpus  
 Circumagens, simulat dicere uelle preces.  
 Iam denuò exurgens, huc ora ferebat, & illuc,  
 Et putat hos gestus sat decuisse sibi.  
 Interea Monachus dum tanta in mole laborat,  
 Ac libertatis nescit habere modum:  
 Non deerant, tanto nugas molimine dictas  
 Has uera statuant qui pietatis iter.  
 At iuuenis Princeps, nil turgida uerba moratus,  
 Mirator solum, non uenerator erat.  
 Afficit obseruans gestus, & uultibus haeret:  
 Ille furens bilem commouet, atq; iocos.  
 Fors tulerat, Monachus dum nullo fine perorat,  
 Dum tu mime leuis flectis utrumq; genu,  
 Per rimā (qua structa recens sug gesta fatiscunt)  
 Demissa est funis qua tibi Zona fuit.  
 Huc subiens princeps, paribus tua cingula nodis,  
 Illigat in spiris irresolubilibus.  
 Et quantum potuit manibus contingere, tantum  
 Sub tabulis nexum pugio fixus habet.  
 Haudq; diu latuere doli: dum surgere tentat,  
 Non liber potuit membra leuare loco.  
 Ter connixus erat rectos attollere uultus,  
 Ter frustra genibus penè relapsus erat.*

Et



Et citò lassatus tandem retinacula sentit,  
 Insidensq; genn talia uerba dedit.  
 Cui de me tantum licuit? non ora ueretur  
 Caesaris? aut templum? magnificosue Ducas?  
 Hei non tuta fides, sunt omnia plena Lutheri:  
 Quid faciant aliàs, hîc neq; tuta fides?  
 Eia agè mi Caesar propius res aspice nostras:  
 Vim patior Caesar, quid non adesse uelis?  
 Sic memorat: Caesar Caesar templū omne sonabat,  
 At citius fratrum cetera turba uenit.  
 Talibus intonuit dictis, simul aggerat iras:  
 Autorem diris deuouet, atq; minis.  
 Principibus primū res hac miranda uidetur,  
 Sedibus emota est tota corona suis.  
 Ipse adeò Caesar factum disquirere iussit,  
 Quis caput occulta seditionis erat.  
 At princeps heros placidum caput extulit ultrò,  
 Non facie trepidi signa timoris erant:  
 En autor facti, dixit, quem quaritis adsum,  
 Haud insons aliquis nunc mea facta luat.  
 Aduenit, et factū tibi auuncule Marchio narrat:  
 Nec mora, tu reliquis ordine gesta refers.  
 Grata fuit cunctis tua mens, & uiuida uirtus:  
 Sed monachis solum non placuisse potes.  
 Ex illo princeps es Christi nomine dignus,  
 Attulit iste tuus seria multa iocus.

Hac



*Hæc magnis non magna tuis præludia gestis  
 Præmittens, fœlix nomine reſq; manes.  
 Hæc tua Vangiones ſpectârunt geſta frequentes,  
 Hæc etiam Danos non latuiſſe decet.  
 His tandem miſſis, maiora ad cœpta feramur,  
 Auxilium porrò Chriſte benigne dabis.  
 Cum tuus hic princeps iamdum uernantibus annis,  
 Ex aula patrios uiſeret inde lares:  
 Holſaticisq; patrem letus conuenit in oris,  
 Et reducem gaudet patria terra Ducem:  
 Horrida ſed nimium (mage quid miſerabile dictuſ?)  
 Cimmerijs tenebris Cimbrica terra fuit.  
 Obruta diuini iacuit ſcintillula uerbi,  
 Per cineres meriti ſemiſepulta Fides.  
 At pius hic heros maiori luce coruſcans,  
 Nos caca merſos nocte miſertus erat.  
 Hic primus placidis genitorem uocibus orat,  
 Paulatimq; animos in ſua uota trahit.  
 Eripuitq; patrem tenebris, noctiq; profunda,  
 Per Stygios fumos, Pontificumq; dolos:  
 Vt pius Aeneas patrem flammâ inter & hoſtes,  
 Aſcaniumq; ſuum, reliquiasq; tulit:  
 Aut uelut Amphion Aetnæis ignibus, alta  
 Ceuice impoſitum ſuſtulit ipſe patrem.  
 Hos iuuenis ſanctos potuit cœpiſſe labores,  
 Nec cœptum finit cana ſenectâ prium.*

*Post,*

*Post, u  
 Da  
 Ecce no  
 Pars  
 Difficile  
 Haffn  
 Viſtoren  
 Sic ea  
 Non tibi  
 Prime  
 Hacten  
 Ille t  
 Is regno  
 Quas  
 Impono  
 Salu  
 His studi  
 Et p  
 Salus  
 Qui p  
 Te duce  
 Holſat  
 Hæc quog  
 Et per  
 Par etiam  
 Te me*

Post, ubi Fridricum proceres in regna reponunt  
 Danica, dantq; tuo sceptrum gerenda patri:  
 Ecce nouis sceptris sunt qui parere recusent,  
 Pars ferro fuerat, pars subigenda fame:  
 Difficiles animos generoso Marte retundis,  
 Hassnia mox perfert obsidione famem:  
 Victorem donec decimo te mense recepit,  
 Sic edocta geri cuncta uolente Deo.  
 Non tibi mens fuerat quicquam deperdere bello:  
 Principe res, uictis parcere, digna fuit.  
 Hactenus electus, iam plenè sceptrum gerebas  
 Ille tuus uerè mente animoq; pater.  
 Is regno potitur: tu sedes deinde reuisis,  
 Quas tibi concessit iure paternus amor:  
 Imponis quoq; iura locis, & legibus ornas,  
 Salusfici uerbi maxima cura fuit.  
 His studiis uox sancta Dei crebrescere cæpit,  
 Et pulsus nebulis redditur alma dies.  
 Saluus Iohannes, uir nostro maximus aui,  
 Qui præsul Ripis postea factus erat:  
 Te duce firmatus, fœlici spargere dextra  
 Holsaticis cæpit semina sancta iugis.  
 Hac quoq; fax uerbi multa cum luce cucurrit,  
 Et per continuas labitur illa domos.  
 Par etiam cano uerbi stat cura parenti,  
 Te monitore senex dogmata pura colit.

Hoe



Hoc opus ambobus, labor iste fatigat utrunq;  
 Quæis uerbum possent restituïse modis.  
 Ambo suos placida populos iam pace regebant,  
 Ambobus requies parta labore fuit.  
 Iam tibi cura subit sociam coniungere uitæ,  
 Nam magis arrisit connubialis amor.  
 Saxonis in thalamos uenit Theodora iugales,  
 Heroïna thorum digna subire tuum.  
 Et uos corporibus bini, sed mentibus unus,  
 Vidistis socj pignora quinq; tori.  
 Fœminea primum felices prole parentes,  
 Filiolam uobis pronuba iuno dedit.  
 Anna fuit, teneris quamuis innubilis annis,  
 Attamen à multis est adamata procis.  
 Hanc petit Augustus Saxo, ducitq; petitam,  
 Teutoniæ Septem gloria prima uirum.  
 Altera deïm soboles, stirpis spes grata uirilis  
 Nascitur, & clari nomina seruat aui.  
 Te Friderice puto, soboles hoc digna parente,  
 Viue, uale, & regnis sis decus oro tuis.  
 Interea placida uiguerunt commoda pacis,  
 Inq; suos status cuncta reducta forent.  
 Iam patre longæuo, iam uitæ flore uirentis:  
 Coniugio, ac una prole beatus eras.  
 Ecce repente grauem (ceu sunt mortalia) casum,  
 Occubuit fati Rexq; paterq; tuus.

Eripuit

Eripuit  
 Er  
 Hei m  
 Cid  
 Rex fa  
 Et n  
 Sed, pr  
 Que  
 Libera  
 Elip  
 Al reg  
 Quo  
 Et nec  
 Al  
 Et dum  
 Et p  
 En uel  
 Erra  
 Aut ne  
 Mole  
 Haud a  
 Et ce  
 Quin po  
 Qui  
 Quis u  
 Quo

*Eripuit nobis Regem, prò maxima clades:*

*Eripuitq; tibi Parca seuera patrem.*

*Hei mihi, quot clades dedit hæc lux unica mortis,*

*Clades quæ summi causa doloris erant.*

*Rex fato sublatus erat, terrasq; reliquit,*

*Et meliora pijs cœlica regna tenet.*

*Sed, prò, nullus erat quæ sceptrâ capeffere uellent,*

*Quemq; penes regni frena relicta forent.*

*Libera ( ne rogites ) habet hoc nam Dania iuris,*

*Eligat ut Regem quem sibi cunq; uelit.*

*At regni procures, quo quisq; ualentior esset,*

*Quod sibi defendant, quod tueantur habent.*

*Et nec firma satis iunxit concordia mentes,*

*Atq; minus ualuit sic malè secta manus.*

*Et dum nequicquam rerum moderamina tentant,*

*Et plus quàm possint se potuisse putent :*

*En uelut obscuro quondam Polyphemus in antro*

*Errauit, uasto luminis orbe carens :*

*Aut uelut auulso capite & ceruice recisa,*

*Mole sua propria corpus inane ruit :*

*Haud aliter regni corpus sine lumine palpat,*

*Et ceu truncus iners nil rationis habet.*

*Quin potius rerum summam committitis uni,*

*Qui retinere simul, qui dare frena sciat ?*

*Quis uindex patriæ ? caput obiectare periclis*

*Quis uolet ? & quis opem ferre paratus erit ?*

f

Quos

Eripuit



Quos nunquā ueriti fuimus, iam bella mouebunt,  
 Quis uolet infestas abstinuisse manus?  
 Christophorus ueteris Comes Aldenburgius arcis,  
 Huic orba patriæ bella citurus adest.  
 Addit se socium Textor, Marcusq; Meirus,  
 Ciuibus emissis arma Lubeca mouet.  
 O' furor, ô nimium regnandi dira cupido,  
 O nimis Imperij prodigiosus amor.  
 Sed nos quo miseros turpis discordia traxit?  
 Hac, ô hæc patriæ tristis Erinnys erat.  
 Quàm satius fuerat primam extinxisse fauillam?  
 Ex multis uni sceptrâ dedisse uiro?  
 Ast hæc pœna fuit peccatis debita nostris,  
 Neglecti Verbi pœna luenda uenit.  
 Vndiq; ceu pleno lupus insidiatur ouili,  
 Sic ope nudatos hostica turba premit.  
 Attendant primò Holsatiâ, quâ fraude subintrant,  
 Et ferus & pariter subdolus hospes erat.  
 Hospes is hostis erat: nam nec fecialibus ultrò  
 Missis, obiectos depopulatur agros.  
 Regius at iuuenis, uim ui depellere tentat,  
 Moxq; arma arma ciens obuius ire parat.  
 Congreditur, fit pugna, feroxq; repellitur hostis,  
 Cogitur & turpi uertere terga fuga.  
 Selandasq; Comes fugitans ad nauigat oras,  
 Hic subit Hassniacos fraude latente lares.  
 Iamq;

Iamq; Megalburga princeps socia arma ferebat

Albertus, facili promptus ad arma manu.

Cimbrica nec regio, qua rege carebat adempto,

Quam prope coniunctus Nereus ambit aquis:

Non fuit insidijs expers, non tuta periclis,

Hæc etiam regno non toleranda tulit.

Sæuus & infesto populator remige Clemens,

Hic etiam patriæ plurima damna dedit.

Vrbibus ac aulis pestis miseranda, luesq;

Ac prædis inhians nil nisi raptor erat.

Infandisq; malis acer terraq; mariq;

Multorum dices diripiebat opes.

Dum sic arma fremunt, leges & iura silebant,

Extorrisq; diu paxq; fidesq; fuit.

Tantæ cladis erat, gentem sine Rege relinqui:

Constitit id tanti, tot simul esse Duces.

Iamdudum res ipsa monet, moderamina rerum

Principis unius corripienda manu.

Qui pacem reddat terris, qui Marte superbos

Contundat victor, qui dare iura uolet.

Tu iuuenis Princeps, Christi de nomine dictus,

Ante omnes solus tu placuisse potes.

Nam tibi conueniens lucet cum nomine uirtus,

Et gemina clarus nobilitate micat.

Ergo te reuocant ( namq; obsidione Lubecam

Cinxisti, promptam bella mouere dolis )

f 2 Iam



Iam procures regni tua mæsti castra subintrant,  
 Iam tibi præsentia talia uerba ferunt:  
 Conscius es Princeps animo gratissime nostro,  
 Quot iam uexetur Danica terra malis.  
 Ex quo rex noster Fridericus ad astra uocatus,  
 Ille tibi genitor, huic patriæ ille pater:  
 Dum nos spe citius regnans moriensq; reliquit,  
 Deflet adhuc tantum Dania tota uirum.  
 Et nunc porro uides quæ nos fortuna fatiget,  
 Hostis habet patriam, uastat & urit ouans.  
 At tu sollicitis utinam succurrere uelles,  
 Et sineres nostras pondus habere preces.  
 In te spes regni iacet inclinata labantis,  
 Vno omnes regem te simul ore petunt.  
 Incorrupta placet tua uita, & Danica uirtus,  
 In te qua fulget cum pietate pari.  
 Regia supplicibus res est succurrere: prompti  
 Nunc animi, princeps, da monumenta tui.  
 En quot nunc hostes regnum sine iure laceffunt,  
 Hos contra auxilijs uelle iuuare decet.  
 Quicquid obest, facili (te nouimus) ense retundas,  
 Ipse tibi clypeus Christus, & auctor erit.  
 Deijce bellandi cupidos, rege pacis amantes:  
 His hostis uenias, his ueniasq; pater.  
 Scis quod regna Deus transfert, mutatq; uicissim:  
 Crede, Deus nostra parte futurus erit.

Et

*Et victor sceptro, solioq; fruaris auito,  
 Huc tua te uirtus, huc pia fata uocant.  
 Eripe, namq; potes : quid enim non auspice Christo  
 Posses ? regna nouis eripe mersa malis.  
 Fimerant : tacitus medys tunc ille recessit,  
 Deniq; sic uerbis hos refecutus erat  
 Quas ego pollicitis uestris, quas reddere grates  
 Possem ? sed dicam quod mihi mente sedet:  
 Non me quippe parem tanto reor esse labori:  
 Nec dignum, tantus cui tribuatur honos.  
 Me pater Holsaticæ ditioni inuexit habenda:  
 Hac ego contentus sorte, quietus ero.  
 Sat mihi sit fama : sed qui mihi bella mouebant,  
 Hic hostes meditor perdomuisse meos.  
 Dixit: at illi instant, iterumq; iterumq; monentes,  
 Succurrat pressis, sic agitante Deo.  
 Deferat hanc urbem, nunc ad maiora uocatus,  
 Huc ubi plus fama, plus pietatis erit.  
 Ille diu partes animum uolebat in omnes,  
 Nec citò responsum uictus honore dedit.  
 Deniq; tot precibus, regniq; labore coactus,  
 Hac responsa magis grata locutus erat.  
 Sic utinam cunctis floreret Dania rebus,  
 Frothonis uelut i tempore lata fuit.  
 Non equidem inuideam : sed iam sic numine cerno  
 Cuncta geri, faustum numen id esse precor.*



Non igitur patiar spes ut foueatis inanes,  
 Quippe satis fufum sanguinis eſſe puto.  
 Hoc reſtor, non hos animus ſitiebat honores:  
 Sed uincat pietas, uincat honeſtus amor.  
 Aduena nequicquam cumularit funera miles,  
 Quiſquis erit Clemens, quiſquis & ille Comes.  
 Perſequar, atq; Deo duce ueſtros adſequar hoſtes,  
 Forſitan & uideant quid mea dextra ualet.  
 Dux ego ueſter ero, dux & ſpes ſit mihi Chriſtus:  
 Hic ſcopus, hic noſtri meta laboris erit.  
 Interea pacem uenit exorare Lubeca,  
 Milite tum caſo, tum quoq; uicta fame.  
 Fœdere ſed factò, uexatam deſerit urbem,  
 Atq; celer grefſus dirigit inde ſuos.  
 Multa mouens ſecum generoſas concipit iras,  
 Iam Deus hunc alium fecerat eſſe uirum.  
 Nunc animis opus eſt, uel in ipſo limine regni  
 Mars tentandus erit, ui facienda uia.  
 Infœlix etiam Borealis Iucia, ſæui  
 Clementis fueras obuia prima malis.  
 Scuiſt hic rabido uulgi furumq; maniplo,  
 Non auidius poterat continuiſſe manus:  
 Donec eum princeps in pœnas iure uocauit,  
 Et ſceleri tanto præmia digna dedit.  
 Hunc ſiquidem captum, nec uita munere dignum,  
 Cum ſocijs Stygios iuſſit adire lacus.

Et

Et caput inuisum palo præfixit acuto,  
 Quattuor imposuit cætera membra rotis.  
 Ista Lubecensi merces & reddita Marco,  
 Scaniacos fines qui populatus erat.  
 Sic quoq; Christophoro Rex dignas soluere grates  
 Cœpit, & huic capiti præmia iusta dedit.  
 Ille Comes quoties instat noua bella ciuiurus,  
 Insigni toties clade fugatus abit.  
 Tunc Comites, hic unus Hous, sed quis fuit alter?  
 Ambo tamen crude succubere neci.  
 Sic pereant qui bella uolunt, quiq; impare gaudent  
 Munere, quosq; tenet tantus honoris amor.  
 I nunc, & matri referas, te in regna receptum:  
 Perge tuis Regem ludere uelle iocis.  
 I supplex, nudusq; tuis opibus q; uirisq;  
 In patriam solus nec redysse uelis.  
 Sic retro sublapsa ruunt, quæcumq; nocendi  
 Tentantur studio, compositisq; dolis.  
 Parte sed aduersa Rex fausto numine lætus,  
 Quà fortuna uiam dirigit, instat ouans.  
 Iam subit Hassniacos obsessos milite muros,  
 Bis menses (uictu deficiente) nouem.  
 Iamq; pius uictor spectat miserabile uulnus,  
 Dira neci dederat corpora multa fames.  
 Vincere sed poterat, noratq; ignoscere uictis:  
 Marte quidem ualuit, sed pietate magis.

f 4 Cesserat



Cesserat ut primū Martis bellig<sup>q</sup> tumultus,  
 Et grauis armorum militia<sup>q</sup> labor:  
 Optatam<sup>q</sup> diu sponderent tempora pacem,  
 Aduena quū miles Marte fugatus erat.  
 Ac inuenta quies, magno quæsitā labore,  
 Iam Princeps alio dignus honore fuit.  
 Nunc igitur duplicem gemmis auro<sup>q</sup> coronam,  
 Et sceptrum, & Regis cætera signa capit.  
 Læticia gaudet populus iam Rege recepto,  
 In<sup>q</sup> uices fundit uota preces<sup>q</sup> Deo.  
 Et pacem poscit, dulcem<sup>q</sup> in pace quietem:  
 Vt bella experti commoda pacis amant.  
 Hei sed adhuc Musæ tristes sine honore iacebant:  
 Limine iam Phæbus, iam fugiturus erat.  
 Sed Phæbum reuocat, ter tres releuat<sup>q</sup> Sorores:  
 Nunc his est illa primus in urbe locus.  
 Ergo theatra iubet, Musis<sup>q</sup> dicata nouenis  
 Tecta, suo rursus flore uigere noua.  
 Mox<sup>q</sup> aliud manus secum sub pectore uoluit,  
 In solonixus spe<sup>q</sup> fide<sup>q</sup> Deo.  
 Et Deus audentem uiuit, per<sup>q</sup> omnia duxit,  
 Sufficiens uires cunctipotente manu.  
 Hac ope Diuini splendescunt fulgura Verbi,  
 Quo nil nobilius totus hic orbis habet.  
 Hoc duce (laus Christo) uiguit pax int<sup>o</sup> & extrā:  
 Pace manus potuit, mens quo<sup>q</sup> pace frui.

Nunc

Nunc  
 Ma  
 Non hic  
 Non a  
 Non alio  
 Et qu  
 Ast alio  
 Scilic  
 Cedite g  
 Ofere  
 Vos uolo  
 Quos  
 Hos inter  
 Et qu  
 Hinc Rex  
 Et uir  
 Si pietas  
 Hunc  
 Si Marti  
 Illius  
 Si quod  
 Hunc  
 Pectora  
 Non  
 Si mente  
 Non

*Nunc agito, Regem quibus hūc heroibus aequem?*

*Magnus erat bellis, maximus ille toga.*

*Non hīc te Cāsar, non hīc te Maxime Pompei,*

*Non uos Scipiades nunc meminisse iuuat:*

*Non alios gestis celebres, ductisq; triumphis,*

*Et quēis nulla fuit cura timorq; Dei.*

*Ast alio Regi quarendus in ordine compar,*

*Scilicet ex illis qui coluere Deum.*

*Cedite gentiles, uos hinc procul este prophani,*

*Osores ueri numinis atq; Dei.*

*Vos uolo, cultores Christi quicunq; fuistis,*

*Quosq; fide certum est concelebrasse Deum.*

*Hos inter quicunq; dedit sua nomina Christo,*

*Et qui pacis erat, qui pietatis amans:*

*Hūc Rex hic noster uestigia proxima ponit,*

*Et uirtute pari proximus isse potest.*

*Si pietas spectanda foret, fideiq; palastra:*

*Hunc quendam I A C O B nō sine iure uoces.*

*Si Martem spectes facilem, pulchrosq; triumphos:*

*Illius & uinci nescia corda uiri.*

*Si quoq; Sincerum diuinæ uocis amorem:*

*Hunc puto Dauidem dixeris esse nouum.*

*Pectora si spectes multarum conscia rerum:*

*Non hunc immeritō tu Solomona putes.*

*Si mentem reputes humilem, mansuetaq; corda:*

*Non abs re Ionathæ dixeris <sup>esse</sup> parem.*

f s Ae



At quia Rex fuerat verbi reparator adempti,  
 Quod Monachi nugis implicuere suis:  
 Adde quod & fontem diuini Biblia uerbi,  
 Daniaca lingua fecit ubiq; legi:  
 Cunctaq; Rex uno congesta uolumine scripta,  
 ( Quae uariè & lacerè uersa fuere prius )  
 Hic excusa simul post se monumenta reliquit,  
 Iamq; ea ( laus Christo ) uirq; puerq; legunt:  
 Hinc rectè similem statues hunc esse IO SI AE,  
 Amisum legis repperit ille librum.  
 Deniq; si mores, pietatem, munia uitae,  
 Gesta, preces, aliud quicquid id esse potest:  
 Maturae spaciū uitae, si deniq; totum  
 Videris, EZECHIAS totus & ille fuit.  
 Ambo py Reges, cultores numinis ambo,  
 Ac ueri coluit nomen uterq; Dei.  
 Ambo deos falsos, statuas, idola perosi,  
 Pro falsis iterum uera docere iubent.  
 Tu prior Ezechia templum, templiq; ministros  
 In priscum poteras restituisse decus.  
 Squalida restituis, rursusq; altaria fumant,  
 Desuetumq; diu Pascha nouare iubes.  
 Tuq; salutiferum manibus collidere uermem  
 Ausus eras, serpens aneus ille fuit:  
 Auxiliq; Dei monumentum, arcaq; repostum,  
 Sed non seruatum quo coleretur erat.

TH

Tu quod  
 Hanc  
 Post ubi  
 Et cat  
 Qui sibi  
 Namq;  
 Saluifici  
 Pascer  
 Catera d  
 Detur  
 Macie an  
 Vi ue  
 Tota tua  
 Abiec  
 Iamq; Dei  
 Et pise  
 Vastat  
 Percipe  
 Plima ue  
 Ampli  
 Sint, fuer  
 Sed fuit  
 Heu mihi,  
 Tot su  
 Prompta  
 Crede

*Tu quoq, Rex noster uera pietatis alumnus,  
 Haud Verbi sacri dissimulator eras.  
 Post ubi Præsulibus septem dempsisse tiaras,  
 Et cathedris ausus deposuisse suis,  
 Qui sibi, quiq, tibi nimium male Papa fauebant,  
 Namq, uiri primæ nobilitatis erant,  
 Saluifici regno prohibentes pabula uerbi,  
 Pascere cum Christi nec uoluere greges.  
 Cætera Musa sile, non tanta audacia dictis  
 Detur: & an nescis multa tacenda tibi?  
 Maeste animo Princeps, cura hac tibi subdita cordi,  
 Ut uerum coleret Danica terra Deum.  
 Tota tuo studio complexa est Cimbria Christum,  
 Abiectis fratrum pontificumq, dolis.  
 Iamq, Dei purum recipit Selandia Verbum,  
 Et piscosa Deum S C A N I A ritè colit.  
 Vasta etiam fidei iuncta est Noruegia nostra.  
 Percipit & gnatum Gotthia prisca Dei.  
 Vltima uel Thule, multis Islandia dicta,  
 Amplius haud mansit nescia Christe tui:  
 Sint, fuerintq, alys cura bella, horrida bella:  
 Sed fuit huic studium cultus honosq, Dei.  
 Hei mihi, quàm dulcis fuit hac concordia, gentes  
 Tot simili amplecti religione Deum.  
 Prompta quidẽ causa est: Rex ipse pijsimus autor,  
 Credere cui iussit, credidit ipse, Deo.*

*Inde*



*Inde Magistratus, proceres, ciuesq; coloni,  
 Regis ad exemplum dant sua uota Deo.  
 Huc oculos uertunt, atq; hinc exempla petebant:  
 Vox pia mandantis, sic pia uita fuit.  
 Hæc est principibus laus, & dignissima uirtus,  
 Moribus innocuis posse præire suos:  
 Ac uigiles inter curas uariosq; labores,  
 Laudibus augendis incubuisse Dei.  
 Huc etiam robur ualidasq; intendere uires,  
 Debitus ut Christo persoluiatur honos:  
 Et portas aperire Deo, refouere docentes:  
 Et quacunq; queant arte iuuare, iuuent.  
 Hæc tibi mens aderat Rex ô gratissime Christo,  
 Curaq; perpetuò principe digna uiro.  
 Tuq; etiam pacis fueras placidissimus autor,  
 Ceu tuus Ezechias pacis alumnus erat.  
 Nam nunquam uestro scissa est pax aurea Marte,  
 Post habuit paci Martis uterq; dolos.  
 Sanguinis & neuter sitiens, uel honoris iniqui,  
 Iniusta uoluit bella patrare manu.  
 Ast ubi res urfit, neuter cessere periculis,  
 Ambo uelut patriæ scuta fuere sua.  
 Ambo piam norant uincendi gnauius artem,  
 Et tam non armis quàm ualuere prece.  
 O' quoties ad te uerterunt lumina cordis,  
 Auxilij cum nil afforet, alme Deus?*

O' quo-

O' quotie.  
 O' qua  
 Hæc Regis  
 Quot n  
 Hæc suis pe  
 Dogma  
 r'q; adeo  
 Sapient  
 seq; illi to  
 Hunc r  
 Einc alios  
 Hinc b  
 Quam fac  
 Contem  
 supplicio  
 Qui niam  
 Qui doluit  
 Hinc  
 Plura meta  
 Quam p  
 Concordia  
 Nullius a  
 Quid more  
 Aurib  
 Cetera gr  
 Qui m

O' quoties ambos tu pro pietate leuabas,  
 O' quàm propitium sensit uterq; Deum?  
 Hac Regis pietas, hac mens tam dedita Christo,  
 Quot nos participes fecerat esse bonis?  
 Ille suis peperit pacem, finemq; laborum,  
 Dogmatis hic Christi phosphorus unus erat.  
 Usq; adeò Regi fuit hac sacrata uoluptas,  
 Sapius ad Christum ferre referre preces.  
 Seq; illi totum commiserat ipse regendum,  
 Hunc rebus uoluit consuluisse suis.  
 Hinc alios potuit fœlici flectere dextra,  
 Hinc bene cedebant cuncta iuuante Deo.  
 Quàm facilis responsa dedit, miserosq; iuuabat,  
 Contemptus uiduis usq; paratus erat.  
 Supplicibus lenis, nec eo moderatior alter,  
 Qui nunquam uoluit cladibus esse ferox.  
 Qui doluit, quoties ad uim pœnasq; uocatus,  
 Hisue uel his cladem ferre coactus erat.  
 Plura metu pœna, uel honesto fœdere uicit,  
 Quàm pœnis ipsis, supplicio'ue graui.  
 Concordisq; tenax fidei non fœdera rupit,  
 Nullius à facta pace cruoris amans.  
 Quid moror hac referēs, quæ sunt notissima cunctis,  
 Auribus & uestris tedia longa parant?  
 Cetera grandiloquis linguam memoranda poetis,  
 Qui meliore sciunt cuncta referre stylo.

Hac



Hæc nos persterpimus rudis anser ut inter olores,  
 Stringentes calamo talia gesta leui.  
 Vos eadem cygni referatis ad astra canoris,  
 En hic materies carminis apta foret.  
 O tua Stigelides canerent si funera Musæ:  
 De te nobilior, sat scio, fama foret.  
 Ut fileant Musæ, nunquam pia facta filebunt,  
 Sed tuus aeterno flore uigebit honos.  
 Nos tamen, ut par est, luctu referemus amorem:  
 Testetur lachrymas triste doloris opus.  
 Sæpe malum hoc nobis cælo dixere Cometa,  
 Et nuper gemini qui micuere diu.  
 Halcyones etiam querule, pelagiq; uolucres,  
 Tristibus implerunt littora cuncta sonis.  
 Sed testata mihi referam, mirabile dictu:  
 Nec dubitanda quidem, credite, fama fuit:  
 Venerat angelicus cælesti nuncius aula,  
 Regis hic orantis constitit ante caput.  
 Jamq; soporato, modò sit sopor ille uocandus,  
 Præmonet optata mortis adesse diem:  
 Ut primum incipient anni noua tempora, dixit;  
 Scito quòd incipiat tunc noua uita tibi.  
 Sic ait: is letus gaudet, migrare paratus,  
 Gestit & in primis uiuere posse Deo.  
 Ergo iubet feretrum reparent, propterq; cubile  
 Ponant, curator funeris ipse sui.

Ecce

Ecce no  
 sit p  
 Quam fa  
 Hæc o  
 Noua dies  
 Ex qu  
 Hinc mil  
 Ah t  
 lamq; per  
 Pro ne  
 Et ueniat  
 Sanct  
 Hic epul  
 Fæder  
 Nunc, ait  
 Et fac  
 Et triplici  
 Et fier  
 Hæc mem  
 Suspir  
 At regina  
 Quo pl  
 Et sacris r  
 Mox n  
 At alios  
 Sic pr

*Ecce nouæ tandem subeunt, tristesq; calendæ,*

*Sit precor illa tibi lane nefasta dies :*

*Quum famulis, medicisq; suis, sacrisq; ministris,*

*Hæc cæpit medio uerba dolore loqui.*

*Nona dies agitur, spacium mihi longius anno,*

*Ex quo prædidici mortis adesse diem.*

*Hunc mihi iam solem scio diluxisse supremum :*

*Ah tandem uenias, & citò Christe ueni.*

*Iamq; perosa sua confessus crimina uitæ,*

*Pro uenia, Christi sollicitauit opem.*

*Et ueniam nactus diuini uoce ministri,*

*Sancto Christe tuo pascitur inde cibo.*

*His epulis uires fidei ( ceu saepe ) fouebat,*

*Fæderis hoc gaudens pignore Christe tui.*

*Nunc, ait, ô cælos utinam migrare liceret,*

*Et facie ad faciem posse uidere Duem :*

*Et triplici simplex in numine noscere numen,*

*Et fieri angelicæ pars quotacunq; scholæ.*

*Hæc memorans, sursum palmas oculosq; tetenuit,*

*Suspirans, patriæ tractus amore nouæ.*

*At regina graui iamdum turbata dolore,*

*Quo plus indoluit, plus doluisse cupit.*

*Et sacris rediens, precibusq; ex more peractis,*

*Mox notum properans illa cubile subit.*

*Ac alios inter lachrymans & mæsta resedit,*

*Sic prior at mæsta cæperat ipse loqui :*

*Tunc*



*Tunc aderas dilecta mihi Theodora marito ?  
 En propè quàm mortis sint mea fata uides.  
 Iamq̃ lubens abeo, cupiens me carne resolui,  
 Et dudum tecum uiuere Christe uelim.  
 Cede Deo: non ulla mei te cura faceffat:  
 Hei mihi, quàm jœlix nunc abiturus ero.  
 Nil agis: in longum plorando ducis amorem,  
 Oro aliquid lacrymis abstinuisse uelis.  
 Oro etiam donec fuerit tibi uita supers.es,  
 Ut socij cures pugnora nostra tori.  
 Fide Deo ( insani contemne negocia mundi )  
 Is tibi, me melius consuluisse potest.  
 Et longum nunc uxor, ait, dulcissima uale:  
 Amplexuq̃ dato desyt ista loqui.  
 Illa sed exanimis cecidit releuanda ministris,  
 Hæsit & incepto lingua retenta sono.  
 Hoc unum dixit: Mi uir, mea cura, meum cor,  
 Quiq̃ meus fueras, desinis esse meus.  
 Plura locuturam, gemitus lachrymaq̃ fatigant:  
 Ponderus at hæ lacryma uocis habere queunt.  
 Atqui hinc sollicitam tristis confecit amaror,  
 Mutuus hinc iterum uexat & angit amor.  
 Discedit, uelatq̃ caput, miserata dolores  
 Coniugis, & uellet se quoq̃ posse mori.  
 Omnia quis paribus posset comprehendere uerbis ?  
 Hæc etiam tristis mens meminisse fugit.*

Ne 6

*Nec tamen illa diu potuit liquisse maritum,  
 Ante fores thalami saepe diuq; stetit.  
 Ter conata tori limen tetigisse iugalis,  
 Ter mæsto lachrymans substitit illa pede.  
 Iamq; parat dulces secum deducere natos,  
 Extremum ut uideant funera mæsta patris:  
 Vnus Iohannes aderat, minimamq; trahebat  
 Dorotheam, charum nomen utrumq; patri,  
 Pone latus matris ueniunt, planctumq; ciebant,  
 Vix fuit his luctus cognita causa sui.  
 At quoniam tristes cernunt, tristantur & ipsi:  
 Nescio sed quid non indita storga potest.  
 Effusi lachrymas, harebant limine primo,  
 Donec & ulterius ire coegit amor:  
 Semianimem cernunt patrem, uix cernere possunt  
 Præ luctu, & pariter pesq; manusq; tremunt:  
 Ut prius instructi fuerant, sic ante parentem  
 Incipiunt humili procubuisse genu.  
 Supplicibus similes lugubri uoce rogabant  
 Offensa ueniam, quantulacumq; fuit.  
 His pater aduertens oculos: Charissima, dixit,  
 Pignora, num fatum fletis & ipsa meum?  
 An mihi gratari uultis, quod terrea linguam  
 Regna, petiturus tecta beata Dei?  
 Dixerat: huic dextrā imponēs, huic deinde sinistrā,  
 His super, hac orat uoce precante Deum:*



Mi Deus, hanc serua prolem, seruaq; nepotes;  
 Et fac haeredes participesq; tui.  
 His te perpetuò Regemq; patremq; relinquo:  
 Ut tibi fac uiuant, fac tibi posse mori.  
 Et uobis ( tunc fortè manu palpaui utrumq; )  
 Cura sit in primis nosse & amare Deum.  
 Quicquid op<sup>9</sup> fuerit, modò creditis, omne redūdet:  
 Extremum hoc uobis mando, precorq; simul.  
 Sed neq; me fas est absentiā pignora, dixit,  
 Negligere, ac horum non meminisse patrem:  
 Præsertim Friderice tui, qui sceptrā capeßis  
 Nostra, tibi durum restat honoris onus.  
 Hunc uos ô proceres ( aderat tum Frisius heros,  
 Et Barbes ) cunctis quasò iuuare modis.  
 Consilijs arcete malum, prohibete tumultus,  
 Nec quisquam plebis querere damna uelit:  
 Quin potius iungat dulcis concordia mentes,  
 Quisq; colat simili gratus honore Deum.  
 Tu quoq; Misniacis qui nunc uersaris in oris  
 M A G N E uale, magnum sis decus oro meū.  
 A N N A etiam ualeas Augusto iuncta marito;  
 Quæ facis ut gessim iam quoq; nomen aui.  
 Vosq; mei fratres, soror atq; Eliſabet, una  
 Non matre, aſt uno uos genitore ſati:  
 Vos genus & ſanguis, ſacrataq; ſœdera iungunt:  
 Viuite concordēs, uosq; ualete diu.

Dore-

*Dorothea & ualeas iterum, natiq̃ ualete,*

*Eia agite in cœlis uos reperire uolo.*

*Hoc precor: hoc munus nunc ô morientis habete;*

*Cœlesti in patria plura loquemur, ait.*

*Hæc factus: subito fragiles dolor occupat artus,*

*Et nouus inuadit languida membra tremor.*

*Eloquar an sileam, quantos Regina dolores*

*Hauferit, inspectans coniugis ora sui?*

*Et doluit uidisse agrum, nec posse mederi:*

*Et tamen inuito lumine cuncta uidet.*

*Infit, & illachrymat: mi Rex, idemq̃ marite,*

*Nolo, uolo, tantis cogor adesse malis.*

*Vsq̃ licet lachrymas lachrymis cumulamur abortis,*

*Nostra tamen frustra gutta precesq̃ cadunt.*

*Quis dabit, ut tantos in me transferre dolores*

*Nunc possem, ac aliquo te releuare malo?*

*Dummodo te sanum possem ualidumq̃ tueri,*

*Dimidium morbi ferre parata forem.*

*Sed sua cuiq̃ manet crux, & sua tristitia cuiq̃:*

*At demum uincit sub cruce uera fides.*

*Ingemuit uerbis Rex istis, illa dolore*

*Obticuit, sed mox plura referre parat.*

*Et secum luctata diu, lachrymisq̃ repressis,*

*Vt primùm potuit, sic gembunda refert:*

*Dum licet, ô coniunx, ô me mihi charior ipsa,*

*Accipe supremum qua modo mœsta uelim.*



*Sum tua, meq̃ tibi semper parêre decebat,  
 Nosq̃ unâ iunctos uiuere carne duos.  
 At si oblita mei, curas tibi fortè faceffi,  
 Semper idem nobis si neq̃ uelle fuit:  
 ( Et fateor nauos, homo sum, nec criminis expers,  
 Et nihil humani me procul esse puto: )  
 Per Christum ignoscas oro, nostrosq̃ hymenæos,  
 Munus id extremum, credo, marite dabis.  
 Desinit in lachrymas, moribūdū amplexa maritū,  
 Cunctantiq̃ parum porrigit ipsa manus.  
 Ille toro residens ( potuit uix ) ora serenat,  
 Dorothea hac dicens uerba suprema sua:  
 Me tibi, teq̃ mihi Deus arcto iunxit amore,  
 Quale tibi coniunx excidit ore nefas?  
 Viximus, & dulces concorditer egimus annos,  
 Non ea uita tibi causa doloris erit.  
 Quin tibi nunc grates soluo, soluoq̃ hymenæos:  
 Sat scio, nos hodie separet ipse Deus.  
 Vxor in aeternum ualeas, pueriq̃ ualete,  
 Post utinam cœlis uos reperire queam.  
 Illa sed in collum mox circumfusa mariti,  
 Illius & lachrymis proluit ora suis.  
 Confundunt lachrymas, auidisq̃ amplexib⁹ harēt,  
 Et figunt madidis oscula multa genis.  
 Expleri nequeunt: sed mors tunc acrius instat:  
 Hac facit, ille suam linquat, & illa suum.  
Discedens*

Discedens  
 Vox  
 Absen  
 Ali  
 Si ager  
 Tum  
 Et sic  
 Tan  
 venit  
 Fina  
 Venit  
 illa  
 Tu feta  
 Te a  
 Ille sed  
 latu  
 Sed pri  
 Nob  
 Reddim  
 Qua  
 Me Deus  
 Sed n  
 Vi, oro,  
 Quana  
 Hic ait,  
 Cuiusbe

*Discedens Regina domum ploratibus implet:*  
*Vox aberat, maestam nil nisi flere iuuat.*  
*Absenti subeunt absentis imago, laborq̃:*  
*Atq̃ recordantem plurima, plura tenent.*  
*Sic ager iacuit, mihi sic est ipse locutus:*  
*Tum mihi, tum soboli dixerat ipse Vale.*  
*Et sic ingemuit, sic Christo fudit & orat,*  
*Tam patitur mortis tormina longa sua.*  
*Venit summa dies, & certa nuncia mortis,*  
*Finiet hac curas tristitiamq̃ uiro.*  
*Venit prima dies, aeterna ianua uita:*  
*Ille uiro cœlos laticiamq̃ dabit.*  
*Tu fatalis eras nostro Coldinga marito?*  
*Te uir præmitto, te citò sponte sequar.*  
*Ille sed immotus perstat, mens dedita cœlis*  
*Iam Paradisiacas uellet inire domos.*  
*Sed primò innixus cubito, paulumq̃ leuatus,*  
*Nobilibus memorat talia uerba suis:*  
*Reddimus & uobis grates, famulisq̃ relictis,*  
*Quaq̃ diu nobis turba ministra fuit.*  
*Me Deus his mandat iamiam discedere terris:*  
*Sed nisi per mortem, non mihi uita patet.*  
*Vos, oro, lachrymis precibusq̃ iuuate precantem,*  
*Quando breui mecum mors coitura uenit.*  
*Hac ait, & seruis dextram porrexit amicam,*  
*Cuilibet extremum dixit is ipse Vale.*



Erigus erat, mediamq̃ diem iam tempus habebat,  
 Distabat spacio Phæbus utringq̃ pari.  
 Hic rex: Quanto, inquit, properat se cōdere Titā,  
 Tam propius ueniunt & mea fata mihi.  
 Nunc prece, nūc animis opus est: hæc nāq̃ eadē lux  
 Vitæ prima dies, ultima mortis erit.  
 Hoc opus extremū, labor hic cōmunis & æquus:  
 Dos uitæ æternæ morte petenda uenit.  
 Vixi, ceu potui. tibi uiuere Christe uolebam:  
 Quod tamen erratum est, ne meminisse uelis.  
 Vidi quam uolui sobolem, uidiq̃ nepotes,  
 Hos credo manibus Christe benigne tuis.  
 Vincere nunc restat mundum, mortisq̃ dolores:  
 Et uincam, si me iuueris alme Deus.  
 Hic amor, hæc patria est, requies hic certa malorū:  
 Nunc mors o uenias, Christe uenito prior.  
 Vos igitur famuli, mediciq̃, sacriq̃ ministri,  
 Quos morti uideo condoluisse mea:  
 Lethiferos mecum cantando leuate dolores:  
 Nunc placet exequias posse uidere meas.  
 Dixit: & ut cantant ipsi sua funera cygni,  
 Ac longo uariant gutture dulce melos:  
 Haud secus ipse sui cantator funeris heros,  
 Tempore tam tristi iubila leta dedit.  
 Incipit, & modulans se cum Simeone poposcit  
 Dimitti, & uitā iam meliore frui.

Nec

*Nec satis hoc fuerat, nec ab una obmutuit oda,  
 Ipse memor cecinit cantica multa Deo.  
 Iamq̃ iterans repetit grandæui carmina uatis,  
 Hoc carmen Regi nectaris instar erat:  
 Nunc dimitte tuum Deus optime maxime seruum,  
 Emerito grata est nam mihi sancta quies:  
 Nostra salutarum uiderunt lumina Christum,  
 Quem uidet ille oculis, hunc ego cerno fide.  
 Hanc tibi Christe fidem uiuens moriensq̃ dicaui,  
 Credo quod haud famulum deseruisse uoles.  
 Conticuere omnes, iamq̃ ipse dolore tacebat,  
 Sed tamen assiduò Christus in ore fuit.  
 Et repetens dictum dulci de nomine I E S U,  
 In te defixus regie mysta fuit.  
 Et tibi dicenti uultus aduertit & aures,  
 Hei mihi quot gemitus, quot dedit ille preces.  
 Incaluitq̃ Deo, dignas quoq̃ pectore uoces  
 Edidit, hac orans supplice mente Deum:  
 Ad te Christe oculos uicina morte grauatos  
 Vix leuo: tu placidam quam potes affer opem.  
 Tempus adest, ac hora mea contermina morti:  
 Ad te, quando uoles, hinc abiturus ero.  
 Quin abeam, mihi facta uia est, mihi uita parata:  
 Christe mihi uita es, tu uia, tuq̃ salus.  
 Tu dabis horrores & spicula temnere mortis.  
 Tu mihi lucanti portus & aura fies.*



Languida cū subito mea membra rigore stupeſcūt,  
 Nullus & in toto corpore ſenſus erit.  
 Quum riget, & fixa eſt arido mea lingua palato,  
 Et nec opem ualeat poſcere Chriſte tuam:  
 Lumina quando mihi caligine merſa laborant,  
 Condere nec uoces auris, ut antè, poteſt:  
 Occupat & mentem cunctarum obliuio rerum,  
 Quum mea lethao corda dolore tremunt:  
 Tum me reſpicias, tum robora mentibus adde:  
 Nec uideas ſolum, ſed pie Chriſte ueni.  
 Meq; uenire iube, migranti porrige dextram:  
 Non niſi per ſolum te uia, uita patet.  
 I E S U noster amor, mediator, uictor auerni,  
 Qui tibi credentes uiuere morte facis:  
 Credo equidem, ſed tu fidei ſuccurre puſilla,  
 Hanc animam gremio ſuſcipe Chriſte tuo.  
 Hæc ait, & iam nil niſi concipit æthera mente,  
 Expectans uite proxima fata ſua.  
 Atq; decuſſatim manibus pro pectore iunctis,  
 Plus quàm ſemianimis murmura pauca dedit.  
 Aſtitit, officio ſungens ſolando, ſacerdos,  
 Præſtitit eloquij commoda magna ſui.  
 Paule tuum uigeat Regis cum nomine nomen,  
 Ad te conuerſus iam moriturus erat.  
 Cumq; acclamares: nutu (nam lingua rigeſcit)  
 Et manibus fidei ſigna ſubinde dedit.

Te,



Te, donec potuit, spectat, tibi uultibus haret:

Deficit, & rursus lumina mæsta leuat:

Errantes uoluens oculos, nimiumq; grauatos,

Lumina iam placide semireclusa tenet.

Singultat leuiter, subitoq; hos spiritus artus

Linguit, & in patriam carcere liber abit.

Ut cum blanda quies corpus complectitur agrum,

Tam similis somno mortis imago fuit.

Mortis imago fuit, non mors: nam ianua uitæ

Christicolis etiam non nisi morte patet.

Exitus acta probat: Christum, cui totus adhæsit,

Nunc uidet, & coram gaudet adesse Deo.

Tum uerò exoritur plāctus, gemitusq; ministrum,

Atria iam lachrymis infremuere nouis.

Iam uulgus proceresq; replent ululatus aulam,

Et plenus lachrymis angulus omnis erat.

Heu heu quàm lani multum potuere Calenda,

Illā precor lateat condita nube dies.

Hac fatalis erat tibi lux doctissime Liui,

Attulit hæc mortem Naso poeta tibi.

Illā tibi requiem, mortem non dicere fas est,

Et pacem peperit Rex, patriæq; pater.

Protinus hæc latè sparsas it fama per urbes,

Inuoluens luctu Cimbrica regna nouo.

Nunc uenisse diu quam formidauimus horam,

Fleret ut amissum Dania mæsta patrem.



Quocunq; aspiceres urbes uel rura uel arces,  
 Planctus erat, Regem fœmina uirq; gemunt.  
 Fama etiam tanti uolucris prænuncia luctus,  
 Dum loca funebri cuncta dolore replet:  
 Magnificam uenit captiui Regis ad aulam,  
 Alter is à Christi nomine dictus erat.  
 Vt primum accepit cognati funus amici,  
 (Alter hic alterius nam patruelus erat)  
 Multa senex gemuit, lachrymisq; hæc fatur obortus:  
 Amplius heu terris anne superstes ero?  
 Tu cœlos repetis, me'ne hic superesse placeret?  
 Ipse tui uellem funeris isse comes.  
 Et si fata uolent, tecum citò uiuere spes est,  
 Corpore iam nostro nam uigor omnis abest.  
 Sic querulus multas noctesq; diesq; peregit,  
 Pectora tabifici plena doloris erant.  
 Sæpius hæc lachrymans iterabat uota, precesq;  
 Sæpius optabat mortis adesse diem.  
 Nec mora longa fuit, sensim tabescere cœpit,  
 Vt ros paulatim sole tepente fugit.  
 Extremumq; diem clausit, terrasq; reliquit,  
 Vrbs tua nunc Regis funera seruat Otho.  
 Fama fuit, medicus dum condit aromate corpus,  
 Singula dum lustrat, dum secat atq; lauat:  
 Repperit accretos ipso sub corde lapillos,  
 Hos medicas referunt excussisse manus.

Hocine

Hocine  
 vñ  
 Ergo d  
 vñ  
 Ergo d  
 Dan  
 Amba  
 Sed  
 Ille fuit  
 Hinc  
 Nunc u  
 Infer  
 Forstian  
 Non  
 Nil nisi f  
 Eger  
 Hic mib  
 Hi uer  
 vñ  
 Occidit  
 Coldingun  
 Illius b  
 Hæc agri  
 Duma  
 Audiu  
 Verba

Hocine solliciti tandem potuere labores?

Vsque adeo ne premit Regia corda dolor?

Ergo diu gemini nobis arscere cometa:

Vnus hic ut maior, sic fuit ille minor.

Ergo duos uno lugebat tempore reges

Dania, iamq̃ ambos urbs habet una duces.

Ambo quidē Christi de nomine nomen habebant,

Sed non par sacri nominis omen erat.

Ille fuit nulli pace & pietate secundus:

Huic fortuna minor, nec satis aqua fuit.

Nunc uenias uidos Elegeia soluta capillos,

Inferias regi iamq̃ datura ueni.

Forsitan & lachryma deerunt, & uerba doloris?

Non pudeat ruptis exululare comis.

Nil nisi flere iuuat, iuuat exaturare dolorem:

Egeritur fletu triste doloris onus.

Hei mihi, funereos cogor renouare dolores,

Hi ueris elegi fletibus ora rigant.

Vnicus is Phœnix, & uix reparabilis unquam;

Occidit, ô patria cura salusq̃ sua.

Coldingum ante alias mihi uisa est tristior urbes,

Illius hæc mortis conscia prima fuit.

Hæc agrum uidit satisq̃ neciq̃ propinquum:

Dumq̃ petiturus limina mortis erat,

Audiuit gemitus, Regisq̃ nouissima uerba,

Verba sed obryzo nobiliora nouo.

Viderat



viderat hæc funus, rigidos & corporis artus,  
 Quàm modicus siccis artibus humor erat?  
 Exhausere tuas rex ô dignissime vires,  
 Summus amor patriæ, sollicitusq; labor.  
 Hæc rugas fecere tibi, canosq; seniles,  
 Hinc curæ & pallor, tristitiæq; graues.  
 Pectora ceu fodit sua rostro Aegyptius ales,  
 Sanguine cum pullos uiuificare uolet:  
 Sic tua flagrantis mordebant pectora curæ,  
 Namq; tibi cordi subdita turba fuit.  
 Imò nec effugeres proprium misisse cruorem,  
 Proq; aris uitam fundere, proq; focis.  
 Quis potuit siccis exangues funeris artus  
 Cernere luminibus, nec doluisse simul?  
 Dumq; tuum tristes ungebant corpus aliptæ,  
 Innumeris cecidit frigida gutta genis.  
 Et meritò: sed quis lachrymas, quis funera fando  
 Exprimat, exequias quum retulere tibi?  
 Illa nefasta dies, atrisq; notanda lapillis,  
 Sapius ac iterum flenda sit illa dies.  
 Conueniunt lecti procures, arcemq; petebant,  
 At lachrymis horum non caruere genæ.  
 Extollunt humeris feretrum, plaustroq; reponunt,  
 Heu nimis hoc plastrum nobile uecta tonus.  
 Iam lugubre dedit plateis caua buccina signum,  
 Ordine funebres iam micuere faces.

Pre-

Præmi  
 Tar  
 Hos seg  
 Que  
 Hinc uer  
 Quaa  
 En duoa  
 Fune  
 Max Fr  
 Signa  
 Elfatia  
 Vnu  
 Hic cum  
 Fletib  
 Hinc ali  
 Multa  
 Exierant  
 Tard  
 Horrison  
 Lucid  
 Omnibus  
 Contig  
 Manibus  
 Atq;  
 O precio  
 Time



*Præminet ante alios equitum longissimus ordo,*

*Tardius at solito tristis inibat equus.*

*Hos sequitur pullata cohors, miserabile carmen*

*Quæ lugens cecinit: sic cecinisse decet.*

*Hinc ueniunt (heu heu) tristissima funera Regis,*

*Quadriiuges perhibent ingemuisse feras.*

*Bis duodena simul subit alti turba Senatus,*

*Funeris hinc illinc clauserat illa latus.*

*Mox Fridericus adest nigra comitante caterua,*

*Signa animi lachrymas edidit ipse sui.*

*Holsatia & ueniunt gemini fratresq; Ducesq;*

*Unus Iohannes, alter Adolphus erat.*

*Hos cum filiola sequitur tristissima mater:*

*Fletibus hæ querulis ora genasq; rigant.*

*Hinc alij ueniunt procures, uectiq; caballis*

*Multa etiam luctus signa dedere sui.*

*Exierant portis, medium iamq; aquor habebant,*

*Tardius incedit pulla dolensq; cohors.*

*Horrissonis fremuit totus clangoribus æther,*

*Luclificosq; dabant turribus æra sonos.*

*Omnibus unus erat planctus, dolor omnibus idem,*

*Contigerant urbem nunc Orho clare tuam.*

*Mœnibus important, pompa longo ordine, funus,*

*Atq; locant templo diue Canute tuo.*

*O preciosa nimis precioso corpore tellus,*

*Tunc patrem patria sola tenere potes?*

*Nunc*



Nunc etiā lachrymis iuuat hoc superaddere carmē,

Et titulum meritis hunc superesse parem:

Cuius in hoc tumultu foeliciter ossa quiescunt,

TERTIVS à Christi nomine dictus erat.

Dux primò Holsatia, mox Danica sceptrā capeſſit,

Marte, toga, regnis, prole beatus erat.

Posthabuit soli, cui credidit, omnia Christo:

Huic fidens, placida morte solutus obit.

Nunc Elegeia sile, frustra te namq; fatigas,

Suspires, lachrymes, fles licet, atq; gemas:

Non tamen est gemitu Rex hic renocabilis ullo:

Est etiam, sanctos spe sine flere, nefas.

Ipse suum cecinit uicta de morte triumphum,

Fortis & inuictus iam moriturus erat.

Supprime iam lachrymas, nō Rex sibi talia poscit

Iusta dari, longè sed meliora cupit.

Quin gratare magis, residet quod uictor olympo:

Quodq; suam patriam, quam cupiebat, habet.

Namq; mori moriens nequyt ter maximus heros:

Dicite Io tandem, mors fera uicta iacet.

O' mors uicta iaces, tua fregit spicula Christus,

Nil in Christigenas iurus habere potes.

Iamq; o Rex uictor supera nos despicias arce:

Ossa cubant terris, mens tamen astra tenet.

In caelos animus redyt tuus, inde profectus:

In terram redyt, terra quod ante fuit.

Dulcis

Dulcis  
Et  
O' ter  
Con  
Iam cur  
Gau  
Iamq; t  
Con  
Angel  
An  
Inlyte  
Sic  
Donc  
Ver  
Quod re  
Saiq;  
Ingrida  
Nec  
En dec  
(Re  
Occidit.  
In pa  
Nos nos  
At  
De pœ  
Pra



Dulcis adest anima requies, & pura uoluptas,  
 Et sedet in gremijs optime Christe tuis.  
 O' ter sætices, quibus hoc requiescere portu  
 Contigit, ac illo se refouere sinu.  
 Iam cum cœlicolis communia gaudia carpis,  
 Gaudia non ullis æquiparanda bonis.  
 Iamq; pios cernis reges, & cerneris illis,  
 Conspectu fruens uiuificante Dei.  
 Angelicisq; chorus mixtus, dulcissima mulces  
 Ante Deum gnatum carmina, & ante patrem.  
 Inclite Rex salue, rursusq; iterumq; beatus:  
 Sic utinam cuncti conueniamus, Aue,  
 Donec erit cultrix ueri tua Dania Christi,  
 Vera tibi in laudem fama superstes erit.  
 Quod restat (lachrymis satis est, mæstoq; doloris  
 Satq; triumphanti credimus esse datum)  
 Frigida mens nostra est, præsentia cernere nescit,  
 Nec nisi sublatum nescit amatq; bonum.  
 En decus hoc aui decessit, & optimus heros  
 (Regibus Europæ lumen is unus erat)  
 Occidit. occiderit nobis, sic fata uolebant:  
 In patriam pergens non obijt, sed abijt.  
 Nos nos peccatus tantorum fata malorum  
 Attrahimus, nostri causa sumusq; mali.  
 De pœnis frustra querimur, modò facta supersins  
 Præua, quibus rursum uellitur ira Dei.

Nes



Nec peccata sinunt mitescere numinis iram,  
 Deposcunt pœnas crimina nostra nouas.  
 Astra igitur terris iam tristria quaq; minantur,  
 Et uates tempus præcinuere malum.  
 En fatalis adest, qui nobis uertitur, annus,  
 Supplicium nostros imminet ante pedes.  
 At tu summe Deus gnati placate cruore,  
 Qui uoluit nostra uiuere carne caro:  
 Tuq; Dei soboles, generi iunctissime nostro,  
 Naturæ socians corpora nostra tuæ:  
 Ad te confugimus dubijs fidiſſime rebus,  
 Nulla uenit nobis te renuente salus.  
 Dum locus est, ueniã, meriti grauiora preccamur:  
 Elue tu sordes, & miserere malis.  
 Interpone patri te nobis uerè sequester,  
 Peccati ulterius ne memor esse uelit:  
 In T E respiciat, tu dulcis imago parentis,  
 Tu sancta effigies, nos rea turba sumus.  
 Insertos tibi nos foueat, seruetq;, regatq;,  
 Deq; tuo simus pars quotacunq; grege.  
 Det pacem, uictumq;, & cetera commoda uitæ,  
 Grex tuus ut possit pace pusillus ali.  
 Donec & hac tristi lachrymarum ualle supersit,  
 Concedes caulas hospitiumq; gregi:  
 Ut duce te tandem superet mundumq; crucemq;,  
 Inq; tuum ueniat sponsa locanda sinum:

Absterſis

Absterſis  
 Re  
 In te  
 In  
 Hoc u  
 Vi  
 A te  
 In

*Absterfis lachrymis, habitumq; exuta priorem,  
 Rideat, & sponso dei tibi sponsa manus.  
 In te tota migret, migres tu totus in illam,  
 Iungantur capiti tot pia membra suo  
 Hoc unam Christi simus de corpore membrum,  
 Ut sumus: hinc pendent omnia leta pijs.  
 A te Christe preces cœpi: tu dicito, Fiat:  
 In te nam, quicquid poscimus, A M E N erit.*

*F I N I S.*

*h PISS.*



EPITAPHIVM  
 PIISS. REGI DANORVM,  
 &C. CHRISTIANO  
 Tertio scriptum,

Per IOHANNEM THOMAM  
 Ripensem.

**R**ege satus, Rex ipse fui, Regemq; reliqui,  
 Nomine auū referens qui Fridericus erat.  
 Sed me saluifici sancto de nomine Christi,  
 Nomen honorificum iussit habere pater:  
 Hinc me Christiadem fortes Cimbricq; Gothi q;  
 Iudicioq; ualens Dania tota uocat.  
 Et quamuis Reges numerentur auusq; paterq;  
 Non tamen hoc tumui stirpis honore mea.  
 Pectus erat uera flagrans pietatis amore,  
 Vnica te Christum discere cura fuit.  
 Et cum sceptrum mihi Deus alme tenere dedisti,  
 In populum sparsi dogmata sancta meum.  
 Moribus & fueram clarus belloq; togaq;  
 Quos in principibus conuenit esse p̄s.  
 Vna dedit bellum, tribuit manus altera pacem,  
 Ne uastem cætus optime Christe tuos.  
 Pauperibus, uiduis, socijs, uerbiq; ministris,  
 Munificus, tutor, fidus amicus eram.

Non

Non mihi mente dolus, non ulla superbia cordi,  
 Omnis erat cades res odiosa mihi.  
 Sape meis uotis auerti numinis iram,  
 Impendens Danus ut releuaret onus.  
 Quattuor, & totidem uiuendo lustra peregi:  
 His tria si iungas, ultimus annus adest.  
 Et quoniam rerum res est ita uisa parenti,  
 Adueniens uitam Ianus abire facit.  
 Hinc mea regna, schola, tua Christe Ecclesia luget,  
 Est grauis & natis me moriente dolor.  
 Dorothea & coniunx, quina me prole parentem  
 Quæ fecit, luctu frangitur ipsa graui.  
 Me lugent alij, firmo mihi fœdere iuncti,  
 Qui lachrymas animi signa dedere sui.  
 Tam premit imbelles chari disunctio patris,  
 In me nulla tamen causa doloris erat.  
 Quid gemis ô coniunx? subito iungemur ouantes,  
 Cum facie ad faciem cernet uterq; Deum.  
 Morte solutus eo, cineres sed Othonia seruat,  
 Viuaq; per Christum mens manet ante Deum.  
 Nam cælum petij, latus te Christe prehendi,  
 Cordiflua tenui quem prius ipse fide.  
 Quod prece, quod lachrymis, & tota mēte cupiui,  
 Nunc fruor aspectu leticiaq; Dei.  
 Iustifra decus hoc fidei est, & summa corona:  
 Sic mihi mors lucrum, tu pie Christe salus.

h 2 Aind

Cordiflua 2 fides  
 iustifra 1



## A L I V D.

*Vt mihi nomen erat Christi de nomine dictum,  
 Illius à teneris sic uenerator eram.  
 Danica sceptrâ tuli, quæ me prior ipse tenebat  
 Qui pater hos rexit Rex Fridericus agros.  
 Danica sceptrâ dedi: data sint hæc auspice Christo,  
 Vt regat has alter nunc Fridericus opes.  
 At ego qui fuerim meritis, pietate, uel armis:  
 De me, non dubito, fama superstes erit.  
 Post uarias regni curas, molemq; laborum:  
 Ad Christum læui morte solutus eo.  
 Mens residet cælis, sed seruat Othonia corpus:  
 Tunc plenè sælix, quando resurget, ero.*

F I N I S.

Pag. 59  
reBASIL  
na la  
hum

## ERRATVM.

Pag. 59. uersu ult. sic legendum : Non abs  
re Ionathæ dixeris esse parem.

BASILEAE, EX OFFICI-  
na Iacobi Parci, Anno Salutis  
humanæ M. D. L. X. Men-  
se Decembri.





